

四庫全書

子部

欽定四庫全書

萬姓統譜卷四十

明 凌迪知 撰

下平聲

七陽

金 張天綱

孟津人累官監察御史以鯁直聞後遷御史中丞秘叅知政事從哀宗遷蔡蔡城破為宋

所獲檻車械至臨安有司令供狀迫書敵主天綱曰殺即殺焉用狀為竟書故主而已有司不

屈能

張暉

日照人正隆中進士博學該通累官太常少卿禮部侍郎歷二十餘年最明禮學家法為士族

儀表諸子講論至夜  
分乃罷率以為常

張行簡

諱子淹貫經史大定中進士第一累官禮部尚書翰林學士終太子太傅諡文正為人端

慙慎密所著文章及禮例纂共百餘卷金  
儒臣世為禮官習禮學者稱張氏父子云

張行信

簡弟大定中進士累官諫議大夫為人純正  
直率雖兩登相位殆若無官而遇事輒發無

所顧避嘗言呼沙呼必  
反抗權臣為士論所稱

張浩

遼陽人其先世有功於邊歷方鎮者十八浩博  
通經史尤長於詩以策謁太祖即命承應御前

文字官至太師南陽郡王浩好賢樂施所著有  
華表山人集五子汝霖官至平章政事汝為轉  
運使汝翼舉進士汝方  
汝猷俱仕至宣徽院使

張翰

秀容人大定末舉進士為人有蘊藉累官翰林直學士戶部尚書有經濟之能卒諡達義弟脩

然由進士同知河東北路都總管事從子天尋舉進士子天任近侍局副使

張特立

東明人奉和中進士歷官宣德州司侯貴戚歛手遷濟陽令時軍旅起責令具糗糧約三

日足後期如軍法民爭輸于庭尋拜監察御史言宰執與細民爭利近習忌之遂罷歸田里教授諸生元世祖降璽書賜號中庸先生所著有易集說歷年係事記

張穀

臨潁人性至孝善書人以為有顏真卿風致舉進士為同州判官有政及民官至河東南路轉

運使同州判官時徵鵬鴈羽箭十萬價翔踴穀執不可身任其咎尚書省竟如所請

張萬公

東河人正隆初進士歇歷中外累遷叅知政事封壽國公卒諡文貞萬公淳厚剛正門無

雜賓典章文物多所裁正輔政八年所引多廉讓之士

張通右

易縣人該綜經史善屬文舉進士累官左丞海陵內懷覬覦欲除熙宗親弟昨王誣以謀

逆熙宗命持思鞠之衆欲附成獨通右以為不可遂止後熙宗信海陵讐殺昨王及持思同輩謂通右曰為君所誤今必死矣通右曰以正獲罪死賢於生通右天資樂易不為表襮雖居相位自奉如寒素焉

張邦憲

秦州人正大中進士為永固縣令天興初避兵徐州元卓異率兵至城邦憲被執將驅之

北邦憲罵曰我進士也悞為朝廷用為邑長可從汝曹反耶遂遇害

張順

淄州人元兵圍淄州行省提控王庭玉將兵救之使順往覘兵勢被執使宣言行省兵敗宜速

降順陽許之至城下乃大呼曰外兵無多王節度軍且至宜堅守敵交刃之順曰得為忠義鬼

足矣遂死贈宣武將軍

元張弘綱

益都人父禧都元帥從父攻城狗地屢有功累官至萬戶後從右丞劉傑征八百媳婦國

戰沒追封齊國公謚武宣子漢官至集賢直學士鼎襲江陰水軍萬戶

張士謙

樂安人累官南臺監察御史出知婺源州事敵兵至踰五十餘日城陷被執先戮其妻仍

加刃于頸以脅之降士謙曰吾為國貞忠豈畏死耶可急殺我至死色不為變罵語不絕事聞

追封清河郡伯

張雄飛

臨沂人世祖召見陳當世之務授同知平陽路轉運使事處士羅英嘗稱為真公輔器雄

飛請建儲貳及御史臺累官至叅知政事世祖以其剛直廉慎賜銀數百兩

張柔

字德剛定興人慷慨尚氣節善騎射金末盜起柔聚族保西山東流塞後歸元留戍滿城移守

順天營建城市廬舍百廢具舉拜河北路都元帥戰勝攻取威震河朔封蔡國公追封河南郡

王諡忠武

張弘範

柔子為鎮國上將軍平宋有功卒贈平章政事諡武烈弘範英襟偉度有古良將風

張弘略

柔第八子有謀略通經史善騎射嘗從柔鎮杞徙毫屢著戰功遷河南行省叅知政事封

蔡國公諡忠義

張珪

弘範子累官中書平章政事丞相珪珠爾問以相體何先珪曰莫先于格君心莫急于廣言路

拜翰林  
學士

張桓

藁城人父木知汝寧府桓累官監察御史以言事不合而去時盜起桓避確山賊強請為帥弗聽擁至渠魁前桓據榻坐與抗論順逆衆捧桓起跪桓仰天呼罵遂被害賊後語人曰張御史真鐵漢也

張世澤

昌平人祖巴圖率衆附太祖留備宿又從征襄樊為行軍千戶冒犯矢石屢挫而不沮世

澤從巴延南征大小十餘戰皆有功又從平廣西累遷副萬戶

張復

字剛父博學工詩文與趙子昂



張文瑞

真定人時方用武文瑞在軍中日以文章自隨至元初授棠邑尹清介自立及代父老借

留適京師始立總管召為經歷政聲益聞歷遷同知濬州事首葺廟學作興士類子淵亦知濬州

張樞

字子長金華人聰慧爽朗于書無所不讀嘗譏宋高宗忘親事讎而適為之定復兩宮之計時

前代遺老尚存無不降嘆後漢書七十三卷是非予奪咸有論著名曰訓志詔取藏于宣文閣

累辟不起  
士論高之

張璪

導江人僑遇江左從金華王栢學自六經語孟以及周程張朱微言靡不潛心至元中行臺中

丞吳曼慶延致江寧學官遠近翕然尊師之  
稱曰導江先生所有經說及文集行于世

### 張飛卿

無錫人氣岸孤騫面如頰玉盤雙瞳炯炯照  
人見有媚側雖達貴人必面折其當否孝義

恭儉若俯然有甚畏者國初胡豫章圍無錫吳  
將莫天祐不肯下傳令屠其城張奮身往來胡  
莫說解所全活數十萬人

### 張文謙

邢州沙河人蒙古以王文統為中書平章政  
事文謙為左丞文統素殘刻而文謙獨以安

國便民為務思有以陷之文謙遂求出宣撫大  
名臨發語文統曰民困日久況當大旱不量減  
稅賦何以慰之文統曰上新即位國家興廢止  
仰稅賦苟復減損何以供給文謙曰百姓足君  
孰與不足於是抵任蠲常賦什之四商酒稅什之二

張孔孫

其先出遼之烏舍部為金人所并遂遷隆安至元二十八年歷肅政廉訪司仍為開蒞治

于大名一以所沒賊羅粟五千斛賑饑民亡何除大名路總管兼府尹大興學校有獻故河堤三百餘里于太后者即上章謂宜悉還細民從之

張留孫

貴溪人少時入龍虎山為道士有相者謂曰神仙宰相也元世祖時從天師張宗演入朝

世祖與語稱旨留孫侍闕下世祖嘗親祠幄殿忽風雨暴至留孫禱之立止授為玄教宗師居崇真宮時天下大定與民休息留孫因論治道貴清靜之旨深契上衷加號大宗師武宗時陞太真人

張思明

輝州人穎悟過人讀書日記千言由侍儀舍人累官中書左丞平生不治產不畜財收書

三萬餘卷尤明於律與謝仲和曹鼎新同稱三絕卒贈清河郡公諡貞敏

張恭

偃師人以兵部符署案牘親老辭歸侍養父喪過哀侍母尤謹歲採野菜為食而營奉甘旨無乏大歷西兵至河南居民悉竄恭守視母病項中一劍母驚而沒恭亦哀尋卒

張起巖

章邱人延祐中進士第一累官御史中丞翰林學士承旨卒諡文穆

張養浩

字希孟章邱人以省薦為東平學正改堂邑令毀淫祠息盜賊拜監察御史疏時政萬餘

言累官翰林直學士禮部尚書以父老乞歸養召為吏部尚書不拜父喪未終復以吏部召不起及關中大旱民饑特拜陝西行臺中丞泣禱華山大雨如注禾黍自生秦民大喜到官四月未嘗家居遂疾卒民哀之贈柱國濱國公諡文忠著三事忠告歸田類橐御史箴諸書子引官

至南臺

御史

張翥

字仲舉其先晉寧人父闕

旦翻然易業閉門讀書從仇先生闕以詩文馳名當世累官至翰林學士承旨封潞國公

張紹祖

潁州人讀書力學以孝行聞時授河南路學教授至正中奉父避兵山間賊至將殺其父

紹祖曰吾父耆德善人請殺我以代父且若等非父母所生乎何忍害人父賊怒以戈擊之戈應手挫鈍因相謂曰此真孝子不可害乃釋之

張天雨

杭州人宋崇國文忠公九成之裔蚤從方外學風裁凝峻工書善詩詞與吳興趙孟頫浦

城楊載蜀郡虞集諸公為文字交嘗居茅山著茅山志自號句曲外史

張閏

延長人八世不異爨家人百餘口無間言無私藏閏兄顯卒即以家事付姪聚聚辭曰叔父行

也叔宜主之閏曰姪宗子也姪宜主之相讓既久卒以付聚縉紳之家自謂不如

張榮

歷城人狀貌奇偉金末兵起榮率衆據濟南尋歸元授山東行尚書省兼兵馬都元帥知濟南

府事累立戰功勸止主帥殺戮綏來東土民政績爲天下第一世祖時封濟南公卒年八十三

張德輝

交城人少力學金末兵興家業殆盡史天澤開府真定辟爲經歷官世祖即位起爲河

東宣撫使民戴之若神明至元初叅議中書省事擢侍御史不拜德輝天資剛直博學有經濟

器望之知爲端人

張子英

建寧人幼孤侍母王氏獨居元季盜賊擾攘妻子俱被擄子英負母逃避備經險阻後寓

居黃溪傭書爲養母常思婦孫寢食不安子英跪曰但得母安妻子可復返賊退遂奉母歸故里妻子亦果得還

張昉

汶上人父汝明金進士昉仕元爲中書省左司郎中甄別能否公其黜陟人無怨言損益古今

裁定典憲累官至兵部尚書卒封東平公謚莊憲

明張赫

臨淮人少有勇畧元季兵亂率衆來附從征渡江屢建勲勞授福州衛指揮使後以平海洋倭寇功陞都督僉事督遼東海運封航海侯卒年九十追封恩國公謚莊簡

張泌

潁州人洪武中由太學生授兵科給事中和易謹厚勤于職事陞都給事中再陞光祿寺卿二十餘年及卒特賜祭葬泌容貌豐偉識達大體後吏部每奏除光祿官必思得人如泌

張適

長洲人七歲習詩經過目成誦十三赴鄉試時稱奇童元季隱居不仕洪武初宋濂薦修元史

授水部郎中與高啓  
楊基輩稱爲十才子

張士彬

山陽人洪武中以才行卓異薦授江寧知縣尋轉江西道監察御史有直氣特陞河南按

察使在任  
風紀振揚

張德勝

合肥人才畧豪邁沈毅剛果洪武初領兵歸附平荆楚定江浙屢立戰功授總管復命攻

南臺鎮江宣州俱下之進樞密僉院攻陳友諒于采石斬獲甚衆没于陣追封蔡國公謚忠毅

張玉

字世美祥符人有志畧性謹密仕元爲樞密院使本朝洪武初歸附累官燕山左護衛指揮僉

事以靖內難東昌戰没封榮國公進封河間王謚忠武



張統

字昭學富平人勤學勵行洪武初以通經舉送京師歷官雲南左布政使宣布德威夷人畏服

未幾召爲吏部

尚書大著聲聞

張中

字景和號鐵冠道人臨川人孝陵登鍾山詞臣扈從擁翠亭給筆劄賦詩鮑尚綱朱升張以寧

秦裕伯單友中李某暨道人並應制道人初舉進士不得遇異人授以太極數學談福禍多驗

狷介寡言嘗戴鐵冠自稱鐵冠子人皆呼鐵冠道人孝陵嘗微行至一寺中羣僧伏門道旁迎

上曰何以知朕至對曰聞鐵冠道人云即召道人至上手餅食未半即賜道人問道人能先知

我至試言我國事願直述無我諱道人信口誦數十句中有曰戊寅閏五龍歸海壬午青蛇火

裏逃至洪武建文間始驗餘不敢傳先是兵亂歸隱幕府山間至城市與人言避兵處從之者

多獲全士寅叅政鄧愈薦召至上問曰予定南昌兵不血刃市不易肆生民自此蘇息否對曰天下自此大定但此地旦夕當流血廬舍焚燬必盡鐵柱觀亦僅存一殿耳後指揮康泰反果如其言他日龍馬兩重之對省署震擾之占剪燈花平反掠類多奇中

張謙

南昌人明經飭行教授東湖書院洪武初以文學舉授監察御史未幾辭歸後布政李宜之再以明經薦赴京試周易劉向說苑吏部奏第一授刑部右侍郎

張瑛

邢臺人洪武中領鄉薦被薦爲給事中進春坊中允宣德中屢官禮部尚書兼華蓋殿大學士入秘閣叅預機務尋調南京禮部尚書

張顯

奉新人父士原洪武初以儒士薦不就嗜經史善草書學者稱爲誠齋先生顯以明經舉授王

府教授永樂初與修國史遷國子監丞學正考績書最特陞國子監丞

張曷

山西澤州人洪武中舉人材累官刑部左侍郎建文元年以才望出掌北平布政司事北平兵

起不服死

張子明

國初爲千戶從大將守洪都陳友諒來攻子明潛出詣京師請援兵既還爲友諒所獲使

誘城降子明僞許之至城下大呼曰大軍且至宜固守以待友諒怒殺之事聞追封忠節侯

張九韶

臨江人性穎悟十三能詩詞元時累舉不第隱居教授洪武初辟爲清江教諭陞國子助

教翰林編修所著有理學類編羣書備數元史續編

張顯宗

字明遠汀州寧化人以文學著名洪武二十四年進士及第二十九年以編修陞太常寺

丞賜衣一襲三十年署國子祭酒事建文君即位顯宗上便宜數事學政一新壬午正月陞工部右侍郎北平兵至淮顯宗奉詔起義兵江西募民出粟給軍餉六月還復爲祭酒繼統後江西兵執顯宗至京師成興州後平交趾起顯宗爲左布政使勞來撫戢夷民安附顯宗性行孝友政事敏達時以文學飭吏事

張以寧

字志道古田人初仕元歸附洪武初爲翰林侍讀學士知制誥兼修國史使交趾卒詔歸

葬以寧工詩文所著有翠屏集及春秋考胡傳辯疑

張翼

字翔南嘉興人篤學好古博極羣書領元鄉薦補甬東書院山長不就國初入禮局事竣以老

賜金帛遣歸所著有挂宇集

張騏

永城人爲人嚴重樂善好義洪武中授指揮使卒于官以外職累贈爲彭城侯子昇淳謹朴儉

任府軍指揮僉事封惠安伯  
守法徇禮不以貴戚自居

張信

祥符人讀書善爲文爲流輩所推服洪武己卯鄉舉入太學永樂初拜刑科給事中歷陞工部

侍郎以英國張輔同族轉陞都指揮使鎮守四川鎮靜一方名重於時

張春

許州人才器淵宏洪武中由國子生推刑部郎中陞都察院右僉都御史永樂中入爲戶部右

侍郎

張三丰

不知何許人洪武初至太和山修煉結菴玉虛宮五樹邊身長七尺美髯如戟經書一覽

即成誦寒暑惟一箬笠日行十里靜則瞑目旬日所啖升斗輒盡或辟穀數月自若也洪武二

十六年九月二十日自言辭世留頌而逝民人  
揚軌山等置棺殮訖臨葬發視之三丰復生後  
入蜀見蜀王又入武當或遊襄鄧間永樂中遣  
使尋訪不遇爲宮以待之應顯不測莫知所在  
時稱張

仙云

張羽

字來儀潯陽人刺史戡之後元季領鄉薦授安  
定書院山長欲卜居吳興與徐賁詩曰吳興好

山水子我盍遽居統郭犀峯列迴波一鏡如鑑  
餘即宜稼樵罷亦堪漁結屋雲林下殘年共讀

書遂家烏程之戴山洪武中召見仕至太常寺  
丞兼署翰林院同掌文淵閣事俄坐事謫戍嶺

南未至召還自沈于江羽博學詩文奇古與

姑蘇高啓楊基徐賁齊名所著有靜居集

張熙

洪武初紹興知府爲政平易百姓宜之時府治  
公宇及什器不可缺者皆係所創置人咸稱其

恪勤  
公務

張從道

京山人洪武中鄉舉除廬州府通判勤能有聲永樂初求賢用當道薦陞徽州知府在任

盡心民事有古循吏風  
俊調永平府政聲益振

張霖

洪武中為平知縣愛民如子有虎啞人告於城隍設檻捕之明日即獲二虎峒賊為患都督韓

觀統兵撫捕賊據險不服曰若張知縣來即投順霖乃衣冠入峒賊皆感悅隨霖出降

張度

洪武初知常州府好學能文治政公勤勸勉邵人俾知向學朝廷聞其能召為吏部尚書

張智

順昌人洪武初以明經舉授夷陵州學正才識卓異召為禮部右侍郎凡禮樂制度多所建明

張信

臨淮人洪武中為普定衛指揮僉事通戰畧好禮下士後以功封隆平侯永樂中以從軍功累

官都督僉事進封隆平侯爲人智勇出衆能效忠勤卒追封郾國公謚襄僖

張銓

定遠人國初以從征功累陞指揮僉事繼以取中原破諸州下濟南征西蜀功累陞都督僉事

後以再征雲南有功封永寧侯

張耀

壽州人從義兵元帥陳額森領兵屯建康之殷巷耀始歸附命與諸將子同入侍衛累立戰功

陞神策衛指揮使洪武初從李文忠與元人戰沒賜葬于江寧縣獅子塘

張勇

壽州人年壯有膂力洪武初從父興起行伍以功授燕山左護衛指揮僉事後北平兵起勇復

從興在行陣爲肘腋每戰克捷興嘗單騎追敵身被數創傷重勇繼領其衆以功封安鄉伯

張宣

字藻仲端之子讀書過目即成誦十歲善屬文能詩既長學問綜博其言益肆而宏揚山居鐵



崖二公文采名天下得其詩大嘉賞一見爲忘年洪武初徵入授翰林院編修即被知遇

張思恭

蒙城人永樂初累官北京刑部右侍郎馭下嚴恪吏畏服之嘗出鎮能謹邊防人稱其才

張勗

永樂中以掌故爲御史侃侃有直臣風出按山西封上有所言譖者以幾事不當露泄必欲文

致之不能得遷叅政以卒勗氣厲急少所容然於守官亦質有文武焉

張純

字志忠江陵人永樂辛丑進士宣德丙午陞御史丁內艱值大旱公自出銀帶簪珥爲粥以倡

官僚多捐貲以食饑人復除有塞謬風陞右僉都御史巡撫畿郡考察郡吏風紀肅然調南京

都察院舉賢黜貪有司畏服陞兵部尚書叅贊純以忠愛爲心故上言皆帝王養民之事及鰥

寡顛連之狀得大臣體居官四十年致仕

張駿

瀘州人永樂辛丑進士授監察御史立心端正識大體宣德中遷大理寺少卿尋轉都察院右

都御史卒爲人有德量  
傳學能文士林慕焉

張洪

常熟人博學能文永樂中舉明經授清江五府教授陞翰林院修撰預修兩朝實錄所著有四

書五經解義史  
記要語歸田藁

張益

吳縣人永樂中進士授中書舍人累陞翰林侍讀學士正統己巳沒于王事爲人溫雅明敏博

學強記爲詩文雄  
健有法見稱于時

張宏

碭山人天性孝友勤于問學永樂中授開封府同知轉戶部郎中律已廉潔苞苴未嘗一至其

門出知荊州府政務既舉所守  
益勵門絕私謁人號閉門張

張本

字致中東阿人洪武中以國子生授江都知縣陞揚州知府繼陞江西叅政皆有治聲召爲工

部侍郎以事謫交趾起爲刑部侍郎治獄平恕後陞兵部尚書兼掌都察院事復兼太子賓客

卒賜葬祭

復其家

張信

掖縣人性至孝母病求醫弗効遂仰天發誓引刀割脅下取肝和麵湯以食母母遂愈事聞永

樂中旌表擢尚寶司丞陞少卿

張輔

字文弼玉子器宇雄壯顧盼有威從定內難封新城侯永樂五年率師征交趾一鼓而破之生

擒賊首黎季父子進爵英國

公卒追封定興王謚忠烈

張海

慈谿人洪武末由太學生擢戶部主事歷兵部員外郎郎中官至山東右布政使才能著稱于

時

張璉

曲周人爲國子生明敏有志歷官著能聲後遷至河南右布政使

張璘

永樂中爲安丘知縣會妖賊唐賽兒攻掠安丘璘與縣丞馬撫率民兵八百以死拒敵賊敗後

集衆攻城會指揮衛青率千騎至璘出城中兵合戰大敗之卒全安丘事聞推璘山東左叅政撫左叅議青都指揮使

張倫

河北諸衛指揮勇悍負氣嘗喜觀古忠義事建文元年薊州衛官起兵攻北平不克死倫聞之發憤合兩衛官各率其兵南奔結盟報國

初從景隆已而從盛庸有功永樂至死之

張紳

濟南人少從事戎馬間官至浙江布政博學工詩所作清新典則有古人風

張琛

東平州人永樂中由舉人擢衢州府同知有孝行父沒廬墓三年正統中轉吏部文選司郎中

尋陞福建左布政使卒于官

張益

字士諫江寧人永樂進士選庶吉士授中書舍人轉大理評事正統戊午改修撰授內使書已

已進侍讀學士知制誥益與夏景同年景見益所撰石渠賦遂絕筆不作文益見景寫竹妙絕亦不復寫竹是歲七月額森入寇上命益扈從死于土木之難贈學士諡文僖

張鏞

肥鄉人少業儒有文譽中永樂十八年鄉試初授近官朝廷見而嘉獎之時風憲缺員特授監

察御史風紀凜然出爲平涼知府下車訪利病得失鋤強暴綏善良一郡咸畏威懷德時北敵入塞鏞畫策攘却之民爲立平定碑以紀其功三載奏績入見上素聞其清苦名以鹽運乃財

貨之司非廉介者不能除其弊也遂拜鏞山東都轉運鹽運使別宿弊饒國計雅稱上意焉

張楷

字式之慈谿人永樂甲申進士任御史劾罷尚書七人風振朝宁歷官都御史擒葉宗滿鄧茂

七地方底寧楷爲人坦夷濶達善推轂賢者故所在成功自經史至天文醫卜無不通曉尤長

于詩有晉唐人風所著有四書豫批大明律條等書

張翼

歸安人任叅政分司劔南感夢啓枯骨而妖息在雲南旱決冤獄而遂雨時獻陵監國特命署

都御史事多平反得情

張宗璉

吉水人永樂進士授編修歷大理寺丞宣德中謫常州府同知廉介寬厚鞭笞不施而事

無不舉時清軍御史峻法誣民爲軍宗璉堅執不從民賴以不冤及卒衣衾不備郡民德之立

祠祀焉

張弼

字汝弼華亭人宣德進士讀書不治章句獨慕古奇節偉行成化間官兵部郎不便就俗局數

以直道忤長部乃出知南安鑿梅嶺之嵌岩梁橫浦之崩湍定沒道更番之例以求息訟端民立生祠祀之其詩文書傳播夷夏人品豪邁海內咸稱之

張瓚

字德潤番禺人天順進士宏才遠器筆翰俊馳歷守撫州漳州漳州三府廉靜公正博採物情

所至剔宿弊民之所欲務與聚之私請謁不能動民感入五內甚者吐氣而奸惡潛迹頌聲布揚隨在去思陳江門亦企重之

張汝明

廬陵人徙居真州刻意屬文舉進士歷官州縣簿丞凡二十年寢晚知岳州屬邑得古編

鍾求上獻汝明曰天子命我以千里  
懼不能仰承德意敢越職以倖賞乎

張貫

靈璧人由太學生歷職勤能永樂中累遷順天府府尹卒于官政尚寬平獄無壅滯吏民愛之

稱爲長者

張琦

字廷珍慈谿人天資穎異讀書一二過輒終身不忘作文有俊才自總角入庠校負其才氣旁

若無人前輩亦畏憚之正統辛酉中浙江鄉試時猶未冠及試禮部連不利益自奮於學文氣浩瀚如峽江春流不可抵禦時海鹽張寧餘姚魏瀚嘉興姚綬俱有才名人稱浙江四才子天

順丁丑始登甲第未幾以疾卒

張璿

字宗器孝感人由進士天順四年以工部郎中出守太原改任寧波劾奏市舶少監福住假以



進奉剋剝害民并不法諸事彼此相訐贊在官無私乃竟得直人以其多其風力興學校表鄉賢修郡志建立甚多善詩賦諸所題詠殆徧境內歷任浙江左布政漕運都御史改撫四川張悅字時敏華亭人天順進士累官南京兵部尚書太子少保謚莊簡性素清約終始不渝爲士林表率者四十餘年清修篤實之君子也

張元禎

字廷祥南昌人天順庚辰進士授編修累官禮部左侍郎兼學士掌詹事府事貌癯然纖

弱勤學好問力探經傳蹟隱多所獨得論義揭揭岸岸孤貞剛果之氣不可屈好面折人過交

陳選羅倫陳獻章

皆以道學相親切

張斌

永平人正統進士任戶部主事忤權閹王振謫戍遼東後朝議以浙江鹽法夙弊積多惟斌可

以釐正復舉以前職往清理之斌持法剛正不通賄賂復爲權倖所忌又平日邀利於其間者不遂所欲斌時有微疾遂內外通謀駕言中風以艾灸之復加以毒被害時悼惜之

張瑄

字廷重江浦人正統壬戌進士遷吉安知府有治蹟擢廣東布政累官至南京刑部尚書賦性

仁厚每蹴惴惴恐入人罪鄉里有犯惟正其罪而不加朴年七十有一致仕

張塘

字廷玉慈谿人處之世孫自幼聰慧正統己未第進士授南京刑部主事能鈎致情隱決遣淹

獄人多其能尋改北刑部侍郎金某爲尚書聰察難屬吏塘抱案詣前從容默舉所鞠囚數名罪夫口如流不煩省閱金大器之己已王師北征塘預扈從狩于狼山土木王師失律塘死之朝廷旌其忠錄用其子珪

張寧

字靖之海寧人景泰進士授給事中劾陳循王文私子應試鈐約石亨曹吉祥論姚文敏敘會

大臣香錢成化初出爲知府請告不起寧體貌修髯雄文直道英廟屢欲大用竟爲忌者所阻蚤見遯歸養高林壑閑家有則孤跡無玷出爲天下士處則稱鄉先生者也

張敦華

字公實萬安人天順進士歷官刑部尚書謚簡肅父洪進士授御史死于土木華丰采凝

重義利介然受知孝廟執法內臺力振頽綱表正有位社稷臣也

張鳳

字子儀直隸安平人宣德丁未進士授刑部主事仕至兵部尚書立朝侃侃爲時名臣

張濬

字仲湜平南人幼穎悟十歲能屬文日記數千言年十七連登成化戊戌進士始冠授翰林庶

吉士改編修歷侍講進學士轉國子祭酒南京吏部尚書尋改兵部尚書叅贊機務即條上時

務八事悉皆允納後三疏乞致仕潔剛正廉介遇內閣諸重臣未嘗阿附以是竟不留用其詩文力追古人詩尤溫厚雄渾所著有

全相憶錄涇川文集若干卷藏于家

張海

字文淵德州人成化間進士由都給事中為順天府丞時中要方用事海以公事往見不屈出知雲南鶴慶府累遷兵部侍郎會土魯番侵擾哈密上命海錫之璽書海因條上六事多見采納於是土魯番始相畏服哈密漸得自立海徑趨還言官論其不戢命謫山西右叅政踰年致

仕卒

張鼎

字用開歷城人成化間進士為監察御史抗疏劾李孜省出為郴州判官孝宗即位起為河南僉事值黃河泛漲督治有功汴民立生祠祀之累陞都御史巡撫遼東修飭堡伍尋詔入掌院

時劉瑾竊權有吏殺人賂瑾求免麗不從遂改  
南京尋逮獄削職而歸瑾敗復官學者稱爲柏

山先

生

張鵬

字騰霄保定人景泰進士授御史  
仕至太子少保兵部尚書謚懿簡

張綸

字大經順天人成化甲辰舉進士授鹽山令誅  
鋤豪惡奪貴戚侵田摧監察御史巡通州倉故

人有以苞苴來謁者不復與見嘗按真定諸郡  
平鄉令欲增淤田稅百餘頃檄報於決不常不  
可遺民患陞光祿少卿歷大理寺卿興襄二府  
爭灘池連逮七十二家訟久不決綸爲調停奏  
上之事遂決後改刑部左侍郎累官至右都御  
史致仕太子少保蔭子韓爲即墨知縣乾幹並  
領鄉薦所著有出關錄憲臺奏  
素棘臺駁素敬亭文案藏于家

張琦

字君玉鄧人自幼穎異年十二能屬對作詩人語客有試者輒應聲出輒奇中弘治己未第進士授南大理寺評事陞寺副正慮囚多所平反有爲僞章者三人罪論死闕曰以竹布

四邊中畫字成文非刻印也遂得從末減知興化府事簡易清靜以儒飭吏興學校正風俗有古良二千石風陞本司左叅政致仕歸日惟以林泉雲鳥爲樂作詩力去陳言務極玄遠雖一草一木必欲妙出象外乃已自成一家言談者宗之有白齋集竹里齋讀史撮擇各若干卷行于世

張吉

字克修餘干人信古好義恥同流俗以名節自砥礪其爲學務窮理致知體之身而驗之心直欲著于事爲初任主事劾左道李孜省妖僧曉出判景闕治土官長及夷民咸信化

之後知梧州歷廣西左布政使所著有古城集貞岡斷陸闕疑佛學論傳行于世

張芝

字廷甄歙縣人弘治中授評事正德初論時政缺失欲正體統以收威福以保祖業言俱剴切通政司以犯權倖不敢進尋擢憲副風采凜然格奸正法悉有成績及督學政懲惡導人自力又善捕蝗鄰郡悉効其法嘗治豪右之害民者被謫于王振下獄杖幾斃竟謫戍邊

張需

江西人守霸州置戶簿以驗勤惰民生理蕃滋

張津

字廣漢廣州博羅人弘治進士為監察御史有聲時內孽肆亂以直諫免官家居正德六年起守四明才識高邁廉仁而公直諸務紛至不動聲色而倉卒立辦期年權貴斂戢姦黠用良時市舶中貴縱其左右頗怙勢不檢悉以髮繩束之不少貸假中貴人不能平卒亦無如之何津

自奉儉薄其視民不啻其骨髓郡嘗大旱齋戒  
禱神輒屏車蓋曝赤日中汗蒸蒸出敝衣草履  
徒步六十里比反雨隨車如注闕霑足遷  
山東叅政未幾擢都御史提兵大江終戶部  
侍郎四明父老  
立生祠祀之

張琮

字廷憲江寧人文僖益之從孫弘治庚戌進士  
爲禮部儀制郎中晉藩有奪王封者時劉瑾受

賂琮執不可瑾曰一郎中力能勝尚書耶出爲  
陝西叅議奪者即如請後謫琮爲濟寧知州改  
監察御史巡按甘肅時安化餘亂未息琮恤無  
辜而治有罪邊氓以安瑾誅擢按察副使累官  
至南京都察院右都御史門可設  
崔羅乞致仕歲給夫廩卒賜葬祭

張廉

歸安人永樂中由進士歷官都御史嘗使封藩堅  
辟謁遺及副臺憲遇事不避權貴時以剛介稱



張壘

歸安人成化丙戌進士廉介特立歷官州縣民  
立生祠遷福建副使竟以強直賈禍繫獄者七

年後

釋歸

張治道

陝西長安人由進士正德十年知長垣果毅  
有爲興利除害動中肯綮吏不敢欺民不畏

吏百姓至今稱之後擢  
刑部主事遂高馬

張淵

字子靜號夢坡烏程人家貧博學工詩善書與  
吳門沈石田吳匏菴爲友一時名稱籍籍所著

有夢

坡集

張潤身

成安人登正德進士第初知西安縣事以賢  
能著聞選授戶科給事中轉兵科都給事中

居諫垣前後十三年彈劾不避論巨璫之席勢  
貪將之僨兵與夫指斥近侍之汙穢停寢武弁

之奏帶諫疏數百篇皆切中時弊出守平陽比至郡問民疾苦狀凡利所當興弊所當革者悉次第行之百度斬斬居二載浩然有歸志及抵家日唯以耕讀課子睦族人敦鄉約爲事後以疾卒鄉士大夫咸稱其文章政事多可紀述所著有四科奏議傳世

張灤

字景川順德人祖善昭兵部司務超擢四川僉事以時忌左遷通判在臨江嘗雪冤獄疏練子寧之黨得復其家者八十四人論壯之灤生而聰敏登正德辛未進士令建平首謁忠臣王叔英墓捐俸修其祠裁刀豪以法爲所中當道直之轉令廣昌抑強扶弱民懷而畏嘗疏故尚書何公喬新學行于朝得謚文肅爲梓行其所著書遷禮部主事員外郎卒

張潤

字汝霖臨汾人弘治壬戌進士授給事中歷官南京吏部尚書謚恭簡潤丰采凝峻不肯詭隨

卒能守典法均輸財用諸不便已者輒齟齬公益持堅節不爲動搖

張欽

字敬之通州人正德進士歷官右副都御史爲人慷慨剛毅爲御史綽有風力自居庸阻駕直

聲聞于天下

張英

京衛指揮使聞武宗南巡挾一刀囊土數升持諫疏當蹕道跪哭諫不允即拔刀自刎血流滿

地侍衛人縛送詔獄問英囊土何爲曰恐汚帝廷灑土掩血耳殞命獄中無子嘉靖初憐其忠

贈都指揮官英弟雄都指揮

張習

字企翔吳縣人爲郎禮部出按察嶺外喜學問文章兩雅多取往聞佚遺者校而傳之故古之

餘多賴以存

張璧

字宗象石首人正德進士歷太子太保禮部尚書兼東閣大學士謚文簡璧公恂雅直不近流

俗喜文學所

著多雅馴

張芹

字文林弘治十五年進士筮仕福州推官有藥聲擢南臺御史彈劾不避正德間逆瑾誅乃劾

李東陽曰臣竊見國家大臣正直者多不容於劉瑾得志之時姦邪者多見黜於劉瑾伏誅之後李東陽一人始終無恙屹然而獨存而又屢叨恩賞士大夫雖皆議其非而無一人公言於陛下臣不知其何善爲身謀如此也尋外補守徽州捐資置所屬邑廉惠田官至浙江右布政使斂抑如諸生出入卒徒步年七十始乘肩輿所著有備遺錄歎齋奏議數卷

張含

字愈光永昌府人嘗舉鄉薦不第遂不復仕以書史吟弄終其身素與楊升菴翰撰善其詩多

所評定君弟合嘗司吏部父志  
淳爲南都戶侍父子發解雲南

張鳳翔

字光世漢中洵陽人號伎闕生而異質殊才  
目羞日短視然暗處則反明燈月之下猶晝

也故其書憲畫必遮蔽而後視字左手橫書興  
到筆飛瞬息滿紙少與李空同同舉于鄉弘治  
已未舉進士復與空同同官戶部及以疾卒京  
師空同公爲請于朝月給米贍其母妻蓋異數  
卒年僅三十故  
有詩賦六卷

張孚敬

初名璵字秉用永嘉人七試禮部正德辛巳  
始舉進士嘉靖改元大禮未定上疏爲上言

極言父子之倫不可奪衆不悅授南京刑部主  
事嘉靖三年再上疏上召與衆議竟如公說陞  
翰林學士六年陞禮部尚書兼文淵閣大學士  
入內閣賜銀圖書二忠良貞一繩愆弼違遂奏

革鎮守內官清勤皇親庄田歷太傅吏部尚書  
大學士修祀典進郊祀議又請倣古立九嬪以  
廣儲嗣又正孔子祀典去王號以名與上名嫌  
請更名上改名孚敬字懋恭晉少師兼太子太  
師致仕卒謚文忠贈太師公天性孝友氣度朗  
豁博極羣書英偉迴特非時俗庸淺所能揆測  
及當事蒞政執法以往剛崛不回受知明主謝  
苞苴孤立行一意元侯中貴戡戡敘束要亦有  
以服其心矣

張意

字誠之崑山人嘉靖己丑進士歷山東副使以  
議放歸雅志宏量不以放逐介情耽志藝文

張治

字文邦茶陵人少負雋才正德庚辰會試第一  
改翰林庶吉士授編修左贊善時議征交南選

使住諭僉謂無以踰治進學士累遷吏部左侍  
郎署翰林院事陞南京吏部尚書入爲文淵閣

大學士進太子太保預機務方是時世宗日在西內躬修立典召諸輔臣入直撰科書治忽忽不樂輒形詞色未幾以病卒治性卞急而志意慷慨接人樂易喜獎進士類博洽有文詞明習典章究辨時務語及治亂之故毅然以經濟自許人亦以此期之卒賜祭葬謚文隱隆慶間改

謚文

肅

張鰲

山 敦華子正德進士改吉士歷南直隸提學御史知人好獎拔雅尚藝文興起古學以鯁直

爲忌者所誣落職子秩嘉靖乙丑進士程隆慶戊辰進士改庶吉士

張岳

字惟喬惠安人博學好古沈毅有大畧嘉靖庚戌爲都御史奉命征苗三省寧謚設立麻陽一

十三哨永固邊防苗平卒于沅士民至今思之後蒙恩恤謚襄惠

張珩

石州人正德間進士授監察御史巡鹽兩淮繼按畿輔及陝西所至貞憲釐弊獎廉糾貪時稱

名御史歷太僕大理二寺少卿陞食都御史巡撫延綏躬勵將士恩威兼至及進副都御史巡撫寧夏經畧一如延綏時後陞兵部侍郎總督陝西斬獲甚衆蒙壘書褒獎珩居官以剛介著而經畧西陲之功最久且大卒贈工部尚書謚襄毅遣官祭葬

張時徹

字惟靜號東岡鄞縣人嘉靖癸未進士由武部改儀曹擢學憲累官南京兵部尚書以倭

奴入寇當道勒歸家寄情文酒而不忘用世之志所著有芝園集五十六卷編皇明文範六

卷十八

張靈

本宴人子力作自給而靈生乃有爽氣選爲博士弟子與諸俊少並游唐寅尤善之靈所爲詩



能連成雖使遲之亦無復加也嗜酒貧無從得  
寅嘗晨詣之卧未起呼之靈作色曰而公正酣  
遂醒之若豈能醉我者寅與之適他所見羣賈  
有被酒吟者謂靈曰爲若舞彼來奚若靈乃佯  
爲丐和其詩賈驚飲食之已而跡知二生乃大  
笑人以此汚之使者方誌來惡爲古文詞者斥  
焉生亦善圖畫能不逮寅

張邦奇

字常甫鄞縣人正德進士賦性耿介立志清  
苦以翰林檢討出爲湖廣提學副使涵養端

雅謀猷醇確明禮教崇行義勸督有程課試有  
常以身率士所獎拔者往往知名數年文體士  
習丕變然未嘗大聲色而潛移默動有出  
于督率之外者歷官至禮部尚書謚文定

張鰲

字濟甫南昌人嘉靖丙戌  
進士歷南京兵部尚書

張求明

字鍾誠烏程人登嘉靖乙未進士授蕪湖縣令章聖皇太后梓宮南祔內豎蔑視官司明

以身爲障事集而費不盈錠聞于朝旌有金幣召拜南京刑科給事中晉右副都御史撫治河南數革逋亡宮宇服御僭擬日甚公三疏其隱而僭氛廓清陞刑部尚書改都察院左都御史秉公肅憲門無私謁請托不行持法惟峻不能姸阿近人情或毀非其故遂上疏乞歸卒年六十八贈太子少保謚莊僖公爲人丰度修整議論英發臨大事決大獄毅然有不可奪者

張震

字允清號石川崑山人正德辛巳進士仕至通政司叅議國制四品以上官自陳震爲通叅遇

天變爲當路勒令自陳斥之震謂非制也常懷不平奮然有光復之志久而不遂乃發爲登山

臨水之興吟風咏月之情終其身不少變云

張袞

字補之江陰人正德進士  
歷官南太常卿國子祭酒

張謙

慈谿人嘉靖間任大名府知府爲政嚴明知大  
體以廉馭吏每季終察舉州邑吏有貪墨者輒  
廷撻之終公之治吏無敢受一錢者養馬常課  
外復徵餘地錢百姓苦之公痼疾切膚體懇爲  
申豁又故事種馬間十歲一編弊孔滋甚公改  
編四年輒清審之積弊除刷殆盡其祛害興利  
類此

去郡

張舜臣

字熙伯章邱人嘉靖癸未  
進士歷南京戶部尚書

張選

字舜舉無錫人嘉靖己丑進士授給事中  
上疏論嚴相爲民隆慶改元贈光祿少卿

張源

字子清仁和人嘉靖戊戌進士歷吏部文選  
司郎中都察院右僉都御史巡視易州廠

張景賢

字勉之眉州人嘉靖戊戌進士歷都察院右副都御史巡撫南畿

張松

字汝喬洛陽人歷兵部右侍郎都察院右副都御史總督宣大



萬姓統譜卷四十

欽定四庫全書

子部

萬姓統譜卷四十一至三

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣楊景猷

欽定四庫全書

萬姓統譜卷四十一

明 凌迪知 撰

下平聲

七陽

楊

弘農商音唐叔虞之後伯僑自晉歸周封楊侯食于楊因氏一云周宣王曾孫封為晉所滅其後為氏焉

周

楊朱

有鄰亡羊請楊子堅追之子曰亡一羊何追之者眾曰多岐路既反問羊獲乎曰亡岐路之中

又岐焉不知其所之子曰大道以多岐亡羊

楊端和

秦將軍

欽定四庫全書

卷四十一

楊回

居鄉三逐事君三去趙簡子用為相其國大治

漢

楊僕

福昌人武帝時為樓船將軍伐南粵有功後封梁侯

楊王孫

城固人治黃老術家業千金厚自奉養臨終告其子曰我死輟葬以返吾真

楊敞

華陰人莊重謹畏昭帝時屢遷至御史大夫霍光張安世謀廢昌邑王議定報敞敞驚懼不知

所言久之始許諾帝即位月餘卒

楊宣

什邡人仕為太蒼令上言宜封周公孔子詔從之薦龔勝等四人

楊惲

字子幼敞子漢宣時為中郎將居殿中廉潔無私答孫會宗書云烹羊烹魚斗酒自勞酒後耳

熱而呼鳥人生行樂須富貴何時



楊賢

杜林避難西州隗囂不能屈弟成物故囂乃聽林持喪東歸扶風既違而悔追令刺客楊賢于

隴坻遮殺之賢見林身推鹿車載致弟喪乃歎曰當今之世誰能行義我雖小人何忍殺義士

因亡去

楊益

南雄路總管為政安詳務禁淫祀興利剔蠹不受私謁吏民悅之

楊終

字子山成都人習春秋為郡小吏詣京師受業顯宗時召拜校書郎官至郎中嘗受詔刪太史

公書為十篇改定章句十五萬言傳十二篇

楊仁

閬中人學習韓詩舉孝廉補北宮衛卜令條對時政稱旨明帝崩馬氏諸子爭入宮仁披甲執

戟嚴勒行衛莫敢進者章帝立拜什邡令為政寬惠後辟司徒掾

欽定四庫全書

萬世綱目  
卷四十一

楊統

新都人習天文推步術建初中為彭城令歲大旱統推陰陽消伏縣界蒙澤太守使統為郡求雨兩即大降自是朝廷災異多訪之

楊政

字子行京兆人少從范升受梁邱易善說經書教授嘗數百人京師語曰說經鏗鏘楊子行章帝時官至左中郎將

楊厚

字仲桓新都人統子厚少學父業順帝徵至長安因陳漢三百五十年之厄宜蠲法改憲以削伏災異累官侍中拜議郎後稱病歸教授門生三十餘人卒年八十二鄉人諡曰文父

楊震

字伯起華陰人八世祖喜高帝時赤泉侯震明經博覽諸儒語曰關西夫子楊伯起年五十始仕歷郡守安帝時拜太尉居官清白以四知卻所饋金或勸殖產業震曰使後稱清白吏子孫

不亦  
可乎

楊秉

震子桓帝時以侍中尚書拜太尉每朝廷得失盡忠規諫多見納用嘗歷豫荆徐兗四州刺史

所至以純  
白稱子賜

楊綸

字仲理東昏人少師事丁鴻習古文尚書請辟皆不就後拜侍中以上書直辭不遜免歸後為

將軍梁商長史諫諍不合出補常  
山王傳以疾自止坐稽王命免

楊璇

字機平會稽人舉孝廉靈帝時為零陵太守是時蒼梧桂陽寇起吏人恐懼璇乃製馬車數十

乘又為兵車轂弓弩與戰大破平之境內以寧  
荆州刺史凱誣璇冒功檻車徵逮乃啞臂血書

詣闕上之詔原璇拜議郎三遷為  
渤海太守張溫薦之遷尚書僕射

楊匡

陳留人初為杜喬掾喬與李固坐黨錮死匡衛其屍都官從事執詣梁太后太后義之因上書

乞送二人骸骨歸葬之遂隱不仕

楊彪

兼孫獻帝時拜太尉李催郭汜之亂盡節衛主魏文帝立欲拜為太尉彪固辭乃賜几杖待以

賓禮

楊阜

天水冀人為安定長史後去官察孝廉辟丞相府言于曹操曰馬超得西羌若不為之嚴備隴

上非國家有操善之後與超戰起敗隴右平累官武都太守

楊戲

武陽人為督軍從事職典刑獄論法決疑疏為平當累拜護軍監軍出領梓潼太守入為射聲

校尉所在清約不煩延禧間著季漢輔臣贊

楊賜

字伯獻少傳家學篤志博聞靈帝召侍讀光華殿遷司空自震至賜三葉宰相自震至彪四世

為太尉故東京楊氏為漢名族

三楊儀

字威公襄陽人昭烈即位以為丞相亮長史亮數出軍儀嘗規畫分部籌度糧穀亮深愛其才

後隨亮出屯谷口亮卒儀領軍還又誅討魏延自以當代亮秉政既至拜中軍師

楊顥

字子昭儀族子襄陽人為諸葛亮主簿亮自校簿書顥諫曰坐而論道謂之三公今明公親校

簿書不亦勞乎及顥死亮哭三日

楊洪

武陽人諸葛亮常咨以事累遷蜀郡太守洪清忠欵亮憂公如家事繼母至孝

楊俊

字季才太祖時以亂兵方起而河內處四達之衝必為戰場乃扶持老弱詣宗審山間同行者

百餘家俊賑濟貧乏通其有無宗族知故為人所畧作奴僕者凡六家俊皆傾財贖之

楊脩

字德祖好學有俊才漢末為曹操主簿能解曹娥碑隱語脩即解操行水路三十里方解曰有

智無智校三十里操後殺之父彪悼痛答操曰猶懷老牛舐犢之愛

楊沛

字孔渠馮翊萬年人也初平中為公府令史以牒除為新鄭長興平末人多飢窮沛課民畜乾槩收螢豆閱其有餘以補不足如此積得十餘斛藏在小倉會太祖為兗州刺史西迎天子所將千餘人皆無糧過新鄭沛謁見乃皆進乾槩太祖大喜

楊軻

天水人好易弟子受業至數百人後趙徵之固辭逼之乃發既見不拜與語不言命舍之既而

上疏求還歸秦乃教授不絕

楊佺期

漢太尉震之後曾祖準大  
常自震至準七世有名德

南楊悛

字遵彥六歲受史書十一歲受詩易從兄昱器  
重之曰此兒駒齒未落已是吾家龍文更十年

當求之千里之外梁保大  
初拜太子少保封開國公

楊懿

弘農華陰人延興末為廣平太守有稱績魏高  
祖南巡吏人頌之加寧遠將軍賜帛三百疋徵

為選部給事中有公平之舉懿父真亦  
曾為清河太守而懿能廣其家聲云

楊侃

字士業愛琴書父播叔父椿一門朱紫盈庭侃  
獨不仕曰苟有良田何憂晚歲仕魏為大都督

楊機

冀人祖闕恩徙居洛陽機少有志節為士人所  
稱魏永熙中除度支尚書方直之心久而益勵

家貧無馬多乘小犢  
車時論許其清白

楊津

字羅漢除定州刺史時賊殘掠州境津置煙鑄鐵持以灌賊遂相告曰不畏利槩堅城唯畏楊

公鐵星

楊擢

正平人少豪俠仕後魏拜伏波將軍元顥入洛孝莊帝南討至馬渚擢具舟以濟王師顥平封

肥如縣伯後從孝武入關進侯爵

楊慶

河間人祖玄父剛並以至孝知名慶美姿儀頗涉書記察孝廉以侍養不行其母有疾不解襟帶者七旬及居母憂哀毀骨立負土成墳北齊表其門賜粟帛隋高祖受禪版授平陽太守卒

年八十五

楊播

字延慶弘農人本字元休孝文改焉母王氏文明太后之姑征虜驍賊圍急播迺令精騎三百



歷其船大呼曰我欲度能戰者出遂擁而濟賊莫敢當賜爵華陰州子

楊仲宣

字玄就幼而俊拔魏孝章帝時爾朱隆入洛收捕時年九歲牽挽兵人曰欲害諸尊乞先

就死兵以刀斫斷其臂猶請死不止遂先殺之

楊纂

廣寧人少慷慨有志畧勇力兼人徙北齊神武起兵信都以功遷武州刺史後入關周文授以

征南將軍累封隴東郡公進柱國大將軍纂性質樸不識文字但推誠信吏人懷其忠恕子睿

位至上柱國漁陽郡公

楊文思

字溫才素從叔後為魏州刺史甚有惠政及去吏民思之為立碑頌德轉冀州刺史煬帝

嗣位徵為民部尚書

楊公則

字君翼天水人父仲懷戰死公則隨父至軍年未弱冠冒陣抱父尸號哭幾絕徒步負喪

歸田由此著名歷荊州節度使嘗與敵對

壘矢貫胡牀左右失色公則談笑如初

楊紹

字子弘華陰人少慷慨有志畧屢從征伐有功為郿城郡守性剛直有威惠百姓安之累遷驃

騎大將軍

隋楊雄

紹子美姿容有器度雍容閑雅進止可觀為太子司旅大夫雄寬容下士朝野傾屬累官司空

楊伯醜

馮翊人讀易隱于華山文帝召與語竟無所答賜衣服捨之而去其論易辭義皆異先儒

之旨而思理玄妙出于獨得非常人所及

楊素

字處道華陰人少有大志為御史大夫數進取陳之策及伐陳為行軍元帥江南平與高穎專

掌朝政累加上  
柱國封越國公

楊武通

華陰人性果烈善馳射以討西南夷功封白水郡公後羌為邊患朝廷以其威名歷岷蘭

二州總管  
以鎮之

楊善會

華陰人大業中為郿令以清正聞後以擊賊拜清河郡丞時山東思亂從盜者如市郡縣

陷沒相繼能抗賊  
者惟善會而已

楊恭仁

隋仁壽中甘州刺史臨政不苛細微人安之文帝謂其父雄曰匪特朕得人乃卿善教子

矣

楊玄成

隋帝好征伐成陰求將領帝嘉之曰將門有將故虛之也

楊達

字士達為鄴鄭趙三州刺史文帝差品天下牧宰達為第一擢拜工部尚書楊素每曰有君子

貌兼君子心者唯楊達耳

唐楊琮

字孝璋為上津令會天下亂去官與秦王同里居武德初為王府參軍兼庫直隱太子事平詔

親王宰相一人入宴而琮獨預太宗賜懷昔賦申以恩意歷汙綏二州刺史姆饋孺子以餅妻

偽受而棄之垣其人咨其廉

楊師道

字景猷清景有才思客洛陽為王世充所拘貞觀十年拜侍中預朝政性周謹未嘗語禁

省事遷中書令善草書隸工詩每與名士燕集歌咏自適後賜燕卒諡曰懿

楊弘禮

字履莊素從子太宗征遼東弘禮為中書舍人與褚遂良等掌行在機務還拜司農卿弟

弘武高宗時為西臺侍郎居職以清簡稱

楊元琰

字溫卿號州司倉叅軍累遷右羽林將軍與張

東之等謀誅二張後以削髮免禍睿宗立四運刑部尚書以太子賓客致仕

楊弘武

少修謹唐高宗永徽中累為吏部郎中太子中書舍人高宗東封泰山自荊州司馬擢司

戎太常伯從帝還詔補授吏部五品官遷西臺侍郎帝嘗讓曰爾在戎司授官多非其才何耶

弘武曰臣妻剛悍此其所屬不敢違以諷帝用武后言也帝笑不罪

楊炯

中童科授校書郎年十一待制弘文館武后朝與宋之問分直藝館終盈川令張說曰楊盈川

文如懸河注水酌之不竭與王勃等為四傑

楊相如

南昌人聰明博古神龍初進士補當塗尉屢上書言當世事改歷晉陵陸渾又上君臣政

要三卷明皇曰朕身之寶也拜右拾遺開元末復上書語益切直出為懷州別駕

楊仲昌

字蔓卿玄宗時以通經對策玄宗擢第一授蒲州法曹叅軍判入異等遷監察御史坐累

為孝義令鸞降庭樹太守蕭恕表其政徙下邳終吏部郎中仲昌常分父邑租振宗黨御身以

約善與人交  
士樂從之游

楊汝士

與元稹白居易賦詩席上汝士後成最佳警句云文章舊價留鸞掖桃李新陰在鯉庭歸

曰今日壓  
倒元白

楊德幹

相州刺史歷四郡所至威嚴時人語曰寧食三斗炭莫逢楊德幹

楊光翼

肅宗時信州刺史治有惠愛州人立祠祀之

楊朝晟

邵寧節度使請城方渠合道木波以遏吐蕃路從之吐蕃悉衆引去

楊元卿

河陽節度使何進滔亂魏博元卿請自齋三月糧舉軍出討文宗嘉美之

楊憑

字虛受弘農人善文詞與弟凝凌齊名大厯中踴擢進士第累官至太常少卿湖南江西觀察

使入拜京兆尹終太子詹事

楊凌

字恭履憑之弟大厯進士貞元中為協律郎韋蘇州有寄楊協律者是也子敬之亦有詩名先

名記云楊氏兄弟者號州弘農人凌以大理評事卒最善云

楊綰

字公瑾華陰人少孤貧事母甚孝性沈靜大厯中拜相制下朝士相賀奢侈者靡然改行

楊於陵

字達夫華陰人有奇志擢進士德宗時拜中書舍人遷浙東觀察使政聲流聞入為京兆

尹請限丁制姦人無所隱賴元和初為嶺南節度以尚書左僕射致仕子嗣復

楊炎

天興人祖哲以孝行稱父播舉進士拜諫議大夫棄官歸養炎豪爽尚氣父喪廬墓號慕不廢

聲有紫朱白鵲之祥詔表其閭炎三世以孝行聞至門樹六闕唐德宗時拜相

楊懷賓

朔方人為韓游瓌將李懷光反懷賓斬賊黨張昕及同謀者告行在德宗勞問位御史中

丞子朝晟為懷光所繫

楊巨源

字景山蒲州人貞元進士文宗太和中為河中少尹詩一卷

楊扶

浦江人為武源令遷交州刺史所至有恩惠州人為之謠曰楊聖儀政多奇



楊敬

字茂孝憑子擢進士第兼太常少卿是日二子戎戴登科時號楊家三喜

楊茂謙

臨洺令有治績擢制舉授左拾遺內供奉為吏介而勤歷秘書郎當道推重其才薦為大

理正左臺御史中丞

楊儀之

湖南度支使韓愈稱其智足以造謀才足以立事忠足以存下而又侈之以詩書六藝之

學

楊虞卿

弘農人父寧國子祭酒虞卿第進士博學宏詞累官監察御史穆宗初上疏極諫累遷弘

文館學士出為常州刺史遷京兆尹後貶虔州司戶參軍

楊收

字藏之馮翊人早孤母授之經遂善屬文號神童懿宗時為學士承旨累遷尚書右僕射兄發

弟嚴及長子鉅皆翰林學士次子鱗民部尚書嚴二子涉吏部尚書汪翰林學士

楊瑒

麟遊令時竇懷貞大營金仙玉真二觀暴徵徵內佐費瑒拒不應懷貞怒曰縣令而拒大夫命

乎瑒曰所論者民冤抑也位高下乎何取懷貞壯其對為止

楊發

收兄字至之登進士又中拔萃科累官左司郎中為蘇州刺史治以恭長慈幼為先

楊嚴

收弟字凜之由進士累遷給事中工部侍郎翰林學士

楊嗣復

字繼之於陵子其舅韓滉撫其頂曰名與位皆踰其父楊氏之慶也字之曰慶門文宗朝

與李珣同相

楊復光

僖宗時以節義自高有謀畧王仙芝反闕岌受賊命嘗夜召復光飲復光往泣曰丈夫不

顧恩義利害與禽獸等爾爰  
流涕因持盃盟即遣子斬賊

楊彥伯

新淦人幼穎敏大順間擢童子科昭宗親試  
之彥伯應對詳雅帝謂左右曰劉晏之徒也

御製詩賜之後宰安福境內按堵牛  
產六犢蓮莖四花州以狀聞賜緋魚

楊行密

合肥人唐末刺史鄭縈奇其貌以功補隊長  
後累官至諸道行營都統檢校太師中書令

封吳王行密仁恕善御衆持身節儉淮  
南人多歸之第四子溥稱帝國號吳

五代楊師厚

汴溝人梁時累立戰功為天雄節度使太祖  
與晉戰河北乃為招討使悉領勁兵朱友珪

欲圖之召計事其吏勸勿行師厚曰吾  
不負梁今雖往無如我何乃朝京師

楊邠

冠氏人仕漢官至中書侍郎兼吏部尚  
書同平章事為人頗儉靜長於吏事

楊端

乾符初南詔陷播州端本太原人應募領兵復播州能諭以威德靡以恩信蠻人懷服五代以

來子孫世襲其職  
宋開禧間贈太師

楊涉

涉性端厚祖收唐名家世守禮法歷吏部尚書中書門下平章事

楊義方

眉山人士蜀舉進士長於詩自以其才過唐羅隱嘗有春詩云海邊紅日半離水天外暖

風輕對花又上王處四詩兩聲  
鞭自禁中出一簇人從天上來

宋楊信

瀛州人以武功累官至殿前都指揮使鎮武軍節度卒贈侍中質實自將御軍有紀律太祖嘗

稱之為真忠臣弟嗣以功累官保州團練使久居北邊以善戰聞

楊美

文水人狀貌雄偉初仕後周為鐵騎都指揮使宋初為北海軍使政尚簡易民德之以平蜀功

累遷端州防禦使卒贈侍中美凡得賜予及俸祿盡周給親戚故舊死之日家無餘財

楊礪

字汝礪鄆縣人曾祖守信唐山南西道節度使祖知禮後唐均州刺史父仁儼孟蜀丹陵令礪

建隆元年舉進士第一仕至翰林學士咸平初遭工部侍郎樞密副使有文集二十卷行于世

楊克讓

字克讓馮翊人晉末舉進士不第宋初為西川轉運副使蜀民懷其善政後知廣州卒克

讓少好學手寫經籍歷官廉謹所至有聲子希閔生而失明令諸弟讀經史一歷耳輒不忘所

著有文集二十卷自教其子曰華曰嚴曰休皆登進士

楊澈

字晏如北海人幼聰警建隆初舉進士歷青州司戶叅軍鞠獄平允無所阿畏太祖知其名召

試禁中改著作佐郎出知渠州令就大將曹彬分兵以行既入境偽帥郭再興擁兵自固澈單

騎趨壘諭以威信土豪黎羅二姓聚謀亂澈平之累官度支郎中

楊察

字隱甫合肥人舉進士累官至戶部侍郎充三司使察美風儀敏于為文其為制誥若不用意及藁成皆雅綴有體遇事明決勤于吏職卒贈禮部尚書諡宣懿弟寘舉進士第一通判潤州以母憂不赴毀瘠而卒時人傷之

楊業

太原人父信漢麟州刺史業事劉崇屢立戰功時號楊無敵太宗征太原業勸其主繼元降以保生聚太宗召見業以為代州兼三交駐泊兵馬都部署屢與契丹戰被擒不食而死業不知書忠烈武勇有智謀與士卒同甘苦故士卒樂為之用

楊延昭

業子太宗朝以崇儀使知保州屢敗契丹後為高陽關副都部署延昭智勇善戰號令嚴

明與士卒同甘苦遇敵必身先行陣克捷推功  
于下在邊二十餘年契丹憚之目為楊六郎

楊朴

管城人善詩少與畢士安同學士安為宰相薦  
之太宗召見面試策衣詩云狂脫酒家春醉後

亂堆漁舍晚晴時除官不受聽  
歸山以其子從妙為長水尉

楊徽之

字仲獻浦城人父澄閬浦城令徽之純厚清  
介尚名教周顯德間舉進士累官右拾遺見

太祖為人望所歸上書言之太宗見其書稱為  
周室忠臣官至翰林侍讀學士卒贈兵部尚書  
有集二十卷宗人徽為祠部  
郎中徽子密密為職方員外

楊瓊

西河人初隸太宗帳下以材勇稱從征太原及  
平蜀累遷單州刺史後為領軍大將軍賀州團

練使

楊億

字大年浦城人祖文逸南唐玉山令夢懷玉山人來覺而生億七歲善屬文太宗召見試喜朝

京闕詩下筆立成有願秉貞忠節終身立聖朝之句除正字後賜進士兩為翰林學士億性耿

介尚名節文格雄健學者宗之卒諡曰文所著文集一百九十四卷

楊偉

字士奇億弟天禧初獻頌試賜進士知衢州龍游縣通判單州權開封府判官皆以清慎聞累

遷翰林學士進中書舍人卒贈禮部侍郎

楊允恭

綿竹人少倜儻任俠初丁德裕討賊至州允恭以策干之署綿漢招收巡檢太宗時捕賊

累官荆湖江浙都巡檢使允恭有心計好言事子可咸平初進士喜屬文有吏幹累召試歷戶

部鹽鐵判官知洪宣潤壽潭州累遷至都官員外郎弟告累官右諫議大夫知江寧府



楊大雅

字子正錢塘人十歲作雪賦日誦書數萬言交趾獻犀大雅獻犀賦咸平中上書自獻所

為文二十餘萬言直集賢院二十餘年不遷或笑其違世自守大雅曰吾不學乎世而學聖人吾之所有不薦於人而嘗獻之天子矣今孰附以進耶久次始進修撰知制誥拜諫議大夫集賢學士知亳州卒所著有大隱集五十卷職林二十卷兩漢博聞十二卷

楊璞

新鄭人善謳詩士大夫多傳誦每乘牛往來郭店自稱東里野民嘗入嵩山窮絕處構思為歌

詩凡數年得百餘篇既被召還作歸耕賦以見志真宗朝諸陵道出鄭州使以粟帛賜之

楊輔

遂寧人舉進士才足以有用明足以知姦累官龍圖閣學士兼江淮制置使愛君憂國知無不

言兄弟五人自為師友以孝著聞卒諡莊惠

楊應詢

益州郫人真宗楊淑妃之族孫歷知信安保定軍為河北安撫使有政績知雄州治兵積

粟契丹不敢犯後為定州真定大名副都總管卒諡康理

楊旼

字樂道新泰人舉進士累官殿中丞討平湖南獠賊後累遷龍圖閣直學士知諫院性清介家

無餘貲卒贈右諫議大夫

楊居政

開寶中知賓州築城禦寇賊不敢犯以前守蒙延永與其弟延錫為賊所害創田宅使其

二子居之後延永之孫傳登第實居政之力焉

楊崇勲

薊州人祖守斌父全美皆官至指揮使崇勲知兵法及前代興廢事真宗時為郡牧使仁

宗時拜同平章事判定州卒諡恭毅

楊文廣

延昭子從狄青南征為廣西鈐轄知宜邕二州英宗稱為名將累遷興州防禦使秦鳳副

總管後徙定州遷步軍都虞候遠人爭地界文廣獻陣圖并取幽燕策未報而卒

楊燧

開封人善騎射從征貝州穴城以入賊平功第一累官殿前副都指揮使卒諡莊敏燧初穴城時為叛兵所傷劉順救之得免及貴順死訪恤其家甚至故人妻子貧不能活者一切收養之

人推其義

楊日嚴

河南人兄日華官至太常少卿三司副使日嚴進士及第試校書郎歷知襄廬鄆州累遷

集賢院學士知河中府加樞密直學士知益州為蜀人所信愛

楊仲元

管城人第進士調宛邱簿歷知光虔號三州累官光祿卿戒諸子曰吾入官五十年未嘗

以私怒加人雖杖刑之微苟有兩比不敢與輕法以是為報國耳

楊光輔

密州安邱人居馬耆山教授州守王博文薦為太學助教孫奭知兗州又薦為太常寺奉

禮郎州學講書仁宗召至命說尚書光輔講無逸時年七十餘論說明暢帝悅欲留為學官以

國子監丞  
老于家

楊安國

光輔子以五經及第仁宗時為崇政殿說書久之進天章閣侍講學士歷判尚書刑部太

常寺卒贈尚書禮部侍郎在經筵二十七年仁宗稱其行義淳實比崔遵度云

楊寘

字審賢察第少有雋才慶厯二年舉進士京師試國子監禮部皆第一既試崇政殿帝臨軒啟

封見名喜動于色謂輔臣曰楊寘也遂擢第一公卿稱賀為得人授將作監丞通判潁州未至

官持母喪病羸卒特詔賻恤其家先是其友夢  
寘作龍首山人寘自謂龍首我四冠多士山人  
終無祿位之稱我其

楊適

字安道慈谿人年七十餘以行義聞仁宗嘗賜  
以栗帛遣官捧詔具袍笏以起之辭不受號大  
隱先生

楊慶

鄞縣人父病貧不能召醫乃剗股肉啖之輒已  
其後母病不能食慶取右乳焚之以灰與藥進  
焉入口遂差久之乳復生郡守  
樓異名其坊曰崇孝詔旌其門

楊昭述

字宗魯賦性醇雅而長於議論遠近之人爭  
遣子弟師之陳襄主浦城簿以鄉先生待昭

述嘉祐奏名出身授池州石埭尉始至選秀民  
進而教之邑人於是相率趨學以楊夫子稱昭

述刺史見昭述曰得非所謂楊夫子者歟遂薦之任滿調雷州海康縣令踰年以疾卒

楊翊

字正臣有聲場屋天聖八年擢進士第授泉州南安尉偶得微疾投檄去郡太守留之不可未

幾疾愈或勉之仕弗願以詩酒自娛平淡簡古有晉宋間風度翊與蔡君謨同年尤相厚慶歷

初君謨以諫官給告迎侍道經僊陽因作詩十九韻遺翊云作詩欲招隱翻愧林泉人及還京

又率同列薦之堅臥不起嘗遊武夷每至勝處必有題詠既歸有道士來謁刺字耨張湛然翊

令子弟館之南園中夜月明如晝道士長嘯池上須臾雲氣慘淡清飈四起雙鶴嘹唳諸子弟

寒慄道士遂不見明日以告公始悟十三真君中所謂張湛白馬者也取刺視之迺白紙耳

楊蟠

字公濟臨海人舉進士為密和二州推官通判揚州歐陽脩稱其詩蘇軾知杭州蟠通判州事

與軾倡和居多終知壽州卒  
所著詩文數千篇號章安集

楊明復

字復翁臨海人操履純正博通經籍著述有周易會粹尚書暢旨詩學發微冠婚喪祭圖

號浦城先生

楊紘

字望之億之從子賜進士授通判越州闕  
遷江東轉運按察使歲飢開義倉闕

持不

可紘曰稍遲人將殍矣官至闕  
雖家居兒女不敢妄言笑聚書數千卷

紘性嚴  
手抄事

實名窺

豹篇

楊匯

成都人杜門委巷之下著書賦詩人無知者邵  
伯溫為邵使者薦其學行甚高節甚簡不報及

卒學者諡為  
靜恭先生

楊佐

宣州人進士及第為陵州推官累遷江淮發運使天章閣侍制判都水監皆有能名英宗時使

契丹卒于道詔護喪歸賻以黃金恤其家

楊傑

無為人舉進士元豐中官太常者數任一時禮樂之事皆預討論元祐中為禮部員外郎自號

無為子所著有文集二十餘卷樂記五卷

楊汲

晉江人登進士第調趙州司法讞獄得情主管開封界常平權都水丞行汴水淤田法神宗嘉

之提舉淮西常平修古芍陂灌田萬頃召判都水監紹聖中為戶部侍郎

楊訓

字公發浦城人歷川陝茶幹調山陽東陽二縣令問學精博嘗著禮記解二十卷初訓受業王

安石之門時蔡京同學後京當國余深備道京欲見訓之意訓曰某三十勤力學問今老矣榮



除非所望他日蹟足豈能僕僕與諸公  
為嶺嶠之行耶故卒老常調人咸高之

楊公度

字元宏訓子政和中登第歷福建提舉常平  
司主管趙鼎常薦其才秦檜弟梓與公度同

年稱公度學問於檜或勸使往見公度誦其父  
言謝之公度常攝潭州事軍兵更戍有以浮言  
動衆者立召主將誅首惡  
數百人有玉峰集二十卷

楊偕

字次之中部人少從种放學舉進士性剛而忠  
朴在官數上書論時政郭皇后廢偕與孔道輔

等力爭元昊入寇詔偕選強壯策應麟府偕奏  
請以兵法從事于是軍政肅然累遷翰林侍讀  
學士以工部侍郎致仕有  
兵書十五卷文集十卷

楊申

新喻人天聖間舉進士累官光祿卿立朝頗有  
風節王安石當國以論新法不合出知濟州多

欽定四庫全書

卷四十一

善政尋乞致仕呂大防  
表其所居為耆德坊

楊天惠

郾縣人幼警敏嘗取韓愈歐陽脩文集縱觀  
作歌行十數篇老師宿儒相傳警嘆元豐中

進士徽宗時上書言宮禁事甚  
剴切後入黨籍有文集行于世

楊繪

綿竹人少奇警讀書五行俱下名聞西州進士  
上第通判荆南府遇事迎刃而解仁宗愛其才

神宗時知諫院改兼侍讀繪以諫官不得其言  
則去不拜後累官翰林學士繪表裏洞達一出  
于誠為搢  
紳所推重

楊孟容

眉山人累官知懷安軍在治平時與濮議不  
合在熙寧間議新法又不合元祐中乞致仕

哲宗書清節  
二字賜之

楊迹

青神人少有文名嘗謁黃庭堅論學術邪正自是學有指歸時用王安石新經屏黜孔安國訓

註迹笑曰吾不能強束縛進身遂棄去子是城固主簿晃監石羊鎮酒稅

楊丙

晉江人少力學精于左氏春秋第進士累官左司諫嘗論賊吏當自大吏始且謂大臣不為私則小臣不敢干以私臺諫不為私而後可以責人之私累遷刑部侍郎中書舍人所著有易說

禮記解西掖藁諫垣存藁

楊時

字中立將樂人潛心經史熙寧中登進士從二程游得河洛之傳浮沈州縣者四十餘年後為諫議大夫僅三閱月所論列皆關世道又為國子祭酒高宗時除工部侍郎直學士世號龜山

先生卒諡文肅

欽定四庫全書

卷四十一

楊震

崢人宗閔子弓馬絕倫從折可存討方臘有功還知麟州建寧寨靖康初夏人圍建寧震與士

卒戰矢盡力乏與子居中執中力戰沒唯長子存中從征河北獨免建炎中贈官諡恭毅

楊存中

字正甫震子少警敏誦書日數百言為人魁梧沈鷺宣和中應募擊賊積功至忠翊郎靖

康初金人再圍汴存中入援金人攻明州從張浚死戰破之累官檢校少保後封同安郡王卒

諡武恭子傑工部侍郎俟僉書樞密院事

楊授

字夢錫幼警悟卓犖過人入太學屢中前列崇寧中擢進士第任銅鞮尉會攝邑事習俗極陋

前此無應進士舉者建學擇秀民教之士始務學秩滿陞上津令終更東歸道經光化愛其地沃民淳買田築室因居焉無意進取日事唱酬優游自適卒司令楊暎為作墓銘曰性成而孝

弟學優而從仕蒞官而辨治三者備而不顯  
于位勇於退而優游卒歲是為君子之知命

### 楊維

武陵人登進士第幼穎悟嘗撰宮柳詩百篇以  
進上大稱賞御書清白傳家四字賜之族人楊  
續志在泉石不樂仕進隱居桃源山崇寧間賜  
號冲真處士時有楊枋者號存齋弟岳號字溪  
嘗師晦翁友其門人晏敦復  
所得益深世稱為大楊小楊

### 楊次山

上虞人少好學能文補太學生以恭聖仁烈  
太后兄雷恩累封至會稽郡王能避權勢時

論賢之子谷封新安郡王石封永寧郡王谷之  
子蕃孫節度使蕃孫子鎮尚理宗女周漢公主

### 楊廷璋

字陽玉真定人累功官至右千牛衛上將軍  
嘗鎮涇州多惠愛吏民請立碑頌德廷璋為

人謙謹雖見小吏未嘗有怠容幕吏皆名士子  
坦墳皆進士及第坦官至屯田員外郎墳至都

官郎

楊粹中

真定人建炎初知濮州時金人大入攻城粹中固守月餘城陷粹中登浮圖不下尼雅滿

嘉其忠許以不死粹中竟不屈而死事聞贈徽猷閣侍制

楊由義

字宜之開封人家世為將建炎初京師失守父奉直以軍前正將扈從至杭未幾敵復寇

杭奉直捍敵于外由義奉母避地鹽官敵騎踵至母沈于河由義被執累日而逸領漕薦不第吏部朱松延請誨其子熹後以父恩補右階監贍軍南庫隆興初盧仲賢使敵辱命由義請行以閤門祗候充奉使金國敵折之使拜不屈全節而歸官至刑部侍郎轉朝奉大夫朱熹銘其墓嘗曰忠義大節夷夏稱歎子九鼎以父任帥襄漕變有善政統領蜀賦死國事加贈五官

楊政

臨涇人崇寧初夏人入寇父忠戰歿建炎間政從吳玠破金烏珠等于箭括關和尚原諸處累

官涇原路經畧安撫使知渭州守漢中十八年後拜太尉卒諡襄毅

楊邦義

吉水人博通古今以舍選登第每以節義自許建炎中通判建康府金人至守臣率屬迎

拜惟邦義不屈以血大書衣裾曰寧為趙氏鬼不作他邦臣極口謾罵而死事聞謚忠襄加贈

至徽猷閣侍制子再興為岳飛部將從飛戰郾城單騎入陣幾殪烏珠身被數十創而還

楊勛

知新化以善政聞金人犯順勛親率民往征民樂從之晝夜疾馳至襄陽以闕邑

人德勛之深不容其柩歸葬長沙堅留葬邑下爭負土成墳

楊富老

麗水人七歲喪父廬墓三年不反閭巢木生連理之異紹興中太守葉闕入郡來

學奏于朝詔賜  
粟帛錄付國史

楊愿

臨江人紹興間舉進士累官車輅院愿於書無  
所不讀邑有考德問禮之事必求是正鄉人稱

壽岡先生

楊懈

新喻人紹興間舉進士知吉水縣救荒有政累  
官司農少卿知明州沿海有小寇懈悉平之海

道晏然生平廉介自持博覽強記為  
後學所師法鄉人至今祠之于學

楊載

涪陵人以功名自負金人立劉豫載白張浚得  
白刃橫行敵中當手刃劉豫并敵酋以報丞相

浚壯其言遂遣之載偕十士至金偽降金任之  
官行反間豫果廢及欲行謀而十士已亡其八

遂決歸計浚以其名聞特  
賜從事知達州永陸縣



楊晨

永睦人宣和初試禮部第一丞相趙鼎薦其才召試館職論荆蜀形勢之說除督府機宜俾撫諭四蜀吳玠饋遺過禮晨不欲阻其意既還悉上諸郡督以佐用

楊暉

字元輝天資英邁年二十預薦再舉國學崇寧中擢進士第調濠州鍾離主簿表進中臺甘露頌闕陞從政郎授郴州司錄改宣教郎還朝表進所業二十卷天子奇其才擢知大寧監遷奉議郎上殿稱旨除主管官宣和五年新制明堂除明堂頌湖布政府司令轉奉朝大夫出知蘄州陞朝散大夫有文集三卷宦遊集十卷

楊椿

眉山人省試第一累任憲節甚有風績後以不附秦檜罷政家居紹興末始自兵部尚書兼權翰林學士除叅知政事卒諡文安

楊再興

岳飛部將烏珠合龍虎大王逼飛再興以單騎入其軍擒烏珠不獲手殺數百人以還烏

珠憤甚併力復來頓兵十二萬聞再興以三百騎遇敵于小商橋殺二千闕及萬戶千

戶再興戰死後獲其屍焚之得箭鏃二升

楊揆

字純父臨川人少能詞賦以薦叅淮閫杜杲幕杲凡治法征謀多資于揆安豐被兵揆出奇策

解圍未幾叅孟珙幕大將來謁珙坐受其拜揆歎曰信卿鑒不如毛錐子也于是復業進士遂

登第官至潭州節度推官

楊萬里

字廷秀吉水人舉進士調零陵丞時張浚謫居寓焉勉以正心誠意之學萬里遂以誠名

齋改知奉新孝宗時召為國子監博士後以寶文閣侍制致仕進寶謨閣學士諡曰文節祠于

學

楊令問

蜀人淳熙中進士為職方員外郎真宗時契丹入寇以為防禦使孫友諒博聞皆登科

楊王休

象山人初肄業僧舍雪積背而不自覺乾道中進士仕為黃巖尉鉏治奸豪人稱鐵門少

府累遷至禮部侍郎  
子暉官至工部尚書

楊簡

字敬仲慈溪人師事陸九淵自為一家之學乾道中進士嘉定中授秘書郎出知温州累遷寶

謨閣學士學者稱為慈湖先生所著有甲乙藁昏記易啓蔽等書

楊懿孺

字彞甫長洲人以行義隱處與方惟深同時號吳中二老以承奉郎致仕平居闕自信

不知世間  
有傾巧事

楊震仲

成都人負氣節有志當世登淳熙初進士知新井縣後權知大安軍吳曦叛來要震仲辭

疾不行先遺書家人曰武興之事從之失節不從禍立見我死禍止一身不及于家矣遂飲藥

死贈朝奉大夫諡節毅賜廟額曰旌忠

楊汝明

青神人舉進士為成都府觀察推官及吳曦叛汝明不受逆僞之招及曦平宣闕

以聞遂招汝明入補官累遷工部尚書

楊巨源

益昌人倜儻有大志善騎射誅叛將吳曦功第一補承事郎後為安丙殺之贈寶謨閣直

學士諡忠愍子履正為四川制置使

楊大全

青神人乾道中進士調溫江尉召監登聞鼓院時光宗久不省重華宮大全為書萬言以

諫時稱忠直寧宗時累官司農寺丞會御史虛位有力薦大全者屬大全一往見大全笑謝決

不往明日遂丐外知金州

楊與立

字子權浦城人受業朱子知遂昌縣以道淑人學者多宗之稱為船山先生所著有朱子

語畧二  
十卷

楊復

長溪人受業朱子與黃幹相友善著祭禮十四卷儀禮圖十四帙又有家禮雜說附註二說

楊焯

金華人嘉定中教授學政修舉足以繼京初學毀於開禧兵火器用圖籍蕩蕩無存者焯乃索圖

考制裒金命工鑄為祭器數百仍置書籍以資生徒學校稍復其舊

楊景隆

字伯淳晉江人開禧進士博學強識講授經史鈞玄提要生徒常數百人所著有春秋漢

之官終建寧司戶叅軍

楊宏中

字克甫侯官人慶元中韓侂胄使李沐論罷趙汝愚祭酒李祥博士楊簡抗疏救之有命

補外宏中為太學生與徐範張道蔣傳周端朝伏闕上書乞竄李沐以謝天下號為六君子宏

中後登進士  
通判潭州

楊應龍

字汝濟徽宗時朝散大夫敏求孫居外岡有文武才仕寧宗官武功大夫兩浙西路兵馬

鈐轄暮年丐祠主管建寧府冲祐觀使嘗著進授冊五萬餘言又有知見錄凡三十卷性齋詩

稿若干卷子光輔終承節郎孫滋生有神異以邊功歿理宗朝敕贈護國忠惠侯廟食里中

楊泰之

青神人少立志于學臥不設榻几十歲慶元初類試累官知富順縣及普果州有異政後

遷大理少卿出知重慶府所著文篇甚多

楊大異

字同伯醴陵人從胡宏授春秋嘉定中登進士授衡陽主簿調龍泉尉皆有惠政後元兵

入成都大異從制使丁黼巷戰被數鎗死詰旦復甦獲免後召對極言時政進直秘閣

楊方

字子直長汀人清修篤孝行已拔俗隆興初登第平生心慕朱熹調弋陽尉還道崇安衆謁面

受所傳而歸趙汝愚帥蜀辟機宜汝愚尋薦于朝召對擢宗正寺簿丐外通判吉州知建昌軍

召除編修官首乞朝重華宮辭甚懇切寧宗立除秘書郎出知吉州偽學禁興坐汝愚黨罷

居贛州閉門讀書自號淡軒嘉定更化召為侍右郎官進考功郎官不三月復積忤以去

楊揖

字通老長溪人與楊方楊簡俱師事朱文公為高弟時號三楊揖累官司農寺簿奏劄進君子

退小人勿徇左右之請以重中書之權飭執政之臣可否相濟以任憂責獎廉靜之操絕奔競之風除國子博士臺臣或予以問答曰臺有紀綱學有規矩當各守其職後出知安慶移湖南提刑江西運判卒祀其像于學所著有奏議悅堂文集

楊价

璩子未生時將校有夢神自靖州來號蜀威將軍者暨价生貌壯如之紹定中襲職以邊功授閩門宣贊舍人卒追贈威靈英烈侯

楊文

价子寶祐間授武德郎修學勤治累官播州安撫使卒贈光祿大夫同知樞密院事

楊長

孺萬里子自少穎悟超羣讀書一過成誦歷官刑部郎中福建路安撫後除直敷文閣致仕

憂人之憂急人之急閭里德之理宗即位詔除屯田郎官不出平生著作甚多尤工于詩



楊珏

字君寶性敏不凡年十五通舉子業紹定初登進士授迪功郎上虞尉調贛州教授先是學計

蠹于前官廩餼不給乃捐私橐以助庠校一新後改通直郎知饒州景定間轉朝奉大夫官至朝議大夫知肇慶府珏為人剛明正直不附權貴始終廉介貧至鬻器以自給裕如也曾孫恕字仲如篤學力行歷陞憲司知事宋祚將危以忠義自勵不食數日赴菱塘而死

楊棟

汝明從子紹定二年進士第一為宗正少卿進對理宗曰止是正心修身之說乎棟對曰臣所

學三十年止此一說用之事為至為簡易後累官禮部尚書進叅知政事後以資政大學士奉祠卒贈少保棟之學本諸周程負海內重望所著有崇道集平舟文集

楊文仲

字時發棟從子幼孤母胡守節自誓教養諸子文仲遠于春秋淳祐間入太學兩試皆第

欽定四庫全書

卷四十一

一寶祐初登進士累官太常丞兼崇政殿說書  
每以積誠感動帝意官至工部侍郎兼國子祭

酒後知泉州卒  
有見山文集

楊

闕

伯

字祥甫沙溪人入太學登進士任揚州觀察  
推官嘗置田為義庄以濟貧乏為義學以教

鄉里

楊權

盱江人自少穎悟不羣聞張真牧有道行即往  
從之真牧授以九返之術曰逢江莫行至沱則

止後舟次九江江沱背始悟遂結茅修煉其中  
時大疫施以符水輒效遠近慕之後作頌而逝

宋咸淳中拜通  
慧孚惠真人

楊邦弼

字良佐文公六世孫以紹興壬戌射策大廷  
上親擢第三人授常州軍事判官改真州教

授太學初興妙選學官召邦弼與陳鵬飛同對  
即日並除博士以幸學恩改宣義郎通判信州

後為中  
書舍人

楊震

字振仲大異子少有志節授桂嶺主簿有能聲  
擢知監利縣以薦通判江陵府庶務叢集隨事

裁決德祐初為湖南安撫司叅議與李芾協力  
戰守善出奇應變城西北隅破震麾兵巷戰增  
築月城復完策勵將士以  
死守之城破震赴水死

遼  
楊佖

沂津人弱冠聲名籍甚統和中進士第一累官  
翰林學士文章號得體遼吏部尚書中書門下

平章事以進賢為已任事總大綱  
人人樂為之用所著有登瀛集

楊績

良鄉人舉進士累官南院樞密使遼主嘗召見  
論及古今治亂人臣邪正績曰何代無賢遇亂

世則獨善其身遇明主則兼濟天下陛下銖分邪正升黜分明天下幸也後封趙王

楊伯雄

藁城人族兄伯淵舉進士歷知平定軍有惠政伯雄舉進士為右補闕海陵嘗問治天下

之道何貴對曰貴靜顯宗在東宮時伯雄為少詹事集古太子賢不肖為書號瑤山往覽獨見

嘉納官至翰林學士承旨卒諡莊獻

楊伯仁

雄弟性孝友讀書一過成誦累遷禮部侍郎翰林直學士海陵嘗召夜賦詩未二鼓奏十

詠海陵解衣賜之伯仁文詞典麗世宗嘗曰自韓昉後有翟永固今則伯仁而已

楊雲翼

樂平人弱冠有文名醫卜咸皆精究舉進士第一累官翰林學士禮部尚書卒諡文憲所

著有文集及續通鑑周禮辨等書子恕亦舉進士仕元為翰林學士

楊慥

五臺人舉進士累官南京司農卿戶部侍郎擢尚書有清望資器雅重處巨細事皆有法知朝

廷大體非他人所能及

楊文安

天水人父大全守叙州元兵入蜀大全戰死贈眉州防禦使官其長子文仲文安方二歲

依叔大淵於閬州中統初授監軍遷閬州夔東路安撫使積功甚多再遷叅知政事

楊湜

葦城人習章程學工書算與同郡楊珍無極楊卞齊名時以三楊目之中統間累官戶部侍郎

乃因民戶第其高下而賦役之人以為平子克忠終安豐路總管

楊少愚

青陽人少好學博通羣書所著有孝經術孝編秋浦集九華外史

元

楊浚

字子元高安人博洽書傳精練吏事至元間辟為掾吏枉直一任理活人甚多壯年即投筆杜

門養親課子溪船嘯月山屐訪春蓋泊然於世  
姚雲贊其影曰材周於用而獨能平允無害事  
當其可而不以文法致身趙子昂為書紫源二  
字繫之以詩云紫源賢功曹四十已投筆杜門  
勤耕桑教子習儒術世方貪譎顯斯人可圭璧  
吾非私吾友乃實敬其得何時一尊酒相與保  
空寂二公不輕許可  
浚之所養可知矣

楊桓

兗州人為秘書監丞有得玉璽於木華黎曾孫  
家者桓辨其為歷代傳國璽即文述其本末上  
之又上時務二十一事成宗嘉納官至秘書少  
監為人寬厚篤孝博覽羣籍尤精閔之學

楊

閔

中

字志行上元人受業於導江張氏為文醇古  
簡質不為世俗語觀者歎異之幼有節操為  
江東憲司照磨風采凜然泰定中除江浙儒學  
提學學者多推尊之子翮亦有文名其文森嚴

有法頗不類其父至正末亦為江浙提學人以其父子前後相繼為提學頗稱之云

楊載

字仲弘其先建之浦城人後家于杭州少孤博涉羣書年四十薦為國史院編修官延祐中舉

進士歷寧國路推官載為詩文以氣為主嘗語學者曰詩當取材於漢魏而音節則以唐為宗與虞伯生揭曼石范德機齊名世稱虞楊范揭云

楊邦憲

襲職端平間蠻人掠境親率兵拒之擒其酋長進武節大夫宋亡元世祖詔諭之始內附

授播州沿邊安撫使卒贈平章政事追封播國公諡惠敏

楊惟中

弘州人知讀書有膽畧事太宗奉使西域三十餘國宣暢國威歸從伐宋凡得名士數十

人收伊洛諸書送燕都建太極書院延儒講授慨然欲以道濟天下拜中書令累遷江淮京湖

宣撫使卒  
諡忠肅

楊士弘

襄城人寓臨江好學善屬文尤工于詩嘗選唐人詩名曰唐音其自著有覽池春草集

楊奐

奉天人蚤喪母哀毀如成人金末嘗作萬言策指陳時病欲上不果元初隱居鄆縣講道授徒

學者稱為紫陽先生以耶律楚材薦為河南廉訪使約束一以簡易所著有還山等集

楊恭懿

奉元人力學強記書無不讀父歿水漿不入口者五日世祖時與許衡俱被召未至數年

太子又下教聘乃至時議設取士科恭懿言宜救有司舉有行檢通經史之士試以經義論策

則民俗趨厚國家得才矣尋歸鄉里又詔改歷授集賢學士辭歸是後凡三召皆不至

楊瓊

曲陽人自少聰慧奇巧出人意表既長名譽遠洽中統初召用領大都等處山場右局總管以



功除武畧將軍瓊平生寡嗜慾食不兼味衣必純素子謙以蔭加翰林直學士

明

楊維禎

字廉夫諸暨人舉進士署天台尹天台多黠吏號人鵬維禎廉其姦中以法民皆稱快維

禎為文擬先秦兩漢詩尤號名家有詔修遼金宋三史維禎作正統辨千言司徒歐陽玄讀之歎曰百年後公論定于此矣四海兵亂遂浪跡浙西山水間及我明興天下大定詔徵遺逸之士修纂禮樂書頌示郡國維禎被召至京師肺疾作而卒

楊基

字孟載無錫人讀書日記數千言尤工于詩穠麗纖蔚為時所重與高啟及吳興徐賁淶陽張

羽為詩友時稱高楊張徐所著有眉菴集洪武初仕至山西按察司僉事

楊大中

臨海人博學洽聞仕元為秘書著作郎致仕家居洪武中遣行人齎楮幣聘之留文淵閣

數月以老贖歸所著赤城志及隨手錄三十卷

楊文

倉山人甲辰領神鎗從征功陞右軍都督僉事世指揮使二十七年充總兵率舟師鎮守太倉

仍督浙江海船召掌中都留守充總兵率十五萬人征廣西築城議奉議南丹潯州慶遠四軍

民指揮使司三十年遼東練軍屯田充總兵征虜前將軍率京師湖廣江西兵征五開擒殺蠻

賊建文初充總兵部署大寧<sub>開</sub>寧府護軍屯開平北平兵起宋忠敗文移守遼佐吳高時出

兵攬北平吳高削爵徙廣西文專領遼東建文三年冬文引兵萬餘掠薊州殺戮極慘遇劉江

兵戰敗王雄七十一人皆被執北平後召文還憐其開國老將得不死永樂四年卒世羽林右

衛指揮使

# 楊本

中牟人或曰處州人初為太學生精于遁法建  
文元年十二月募才畧之士本應募起家兵部  
試之授錦衣衛鎮撫時吳王孫瑄下階而一軍皆  
出觀兵及登將臺見大水淼茫下階而一軍皆  
不見本曰此水遁也及帥師北向本常持一鐵  
棒重三十斤臨陣馳突北師披靡不敢前遂破  
之景隆忌本不上其功已而本約日出戰諸軍  
為後繼景隆謂諸將曰今日警之一園瓜我輩  
種得熟乃被別人採去耶竟擁兵不救本上疏  
畧曰刑屬三十罪莫大于不孝人倫有五德莫  
大于盡忠忘君虐民者不可以不懲喪師失律  
者不可以不罪今都督袁宇與耿炳文征討喪  
軍士二十萬于燕地皇上憐其為太祖故舊不  
忍加刑又如魏國公徐輝祖征燕私存姊妹之  
情虧士喪馬皇上召回京師命大教場操練軍  
士又曹國公李景隆四月進兵喪失軍馬無限

皇上責問乃歸罪羣下此實總兵之罪也乞假  
臣為大總兵用能官一員召募義勇招撫軍伍  
凡先鋒叅謀軍政稽考等官臣自當保舉仍特  
命親王為監軍疾馳燕師則可免生民于塗炭  
莫宗社于泰山矣本遂帥孤軍獨出被擒繫北  
平獄後文皇攻濟南失利趙王奪還北平恐人  
心動搖索本殺之文皇大怒曰本有才畧予且  
欲用奈何殺之本頸後無髮力戰有功而爵賞  
不及

楊靖

山陽人洪武乙丑進士才識出眾累官  
戶部右侍郎陞刑部尚書轉左都御史

楊砥

澤州人穎敏好學洪武乙  
丑進士累官禮部左侍郎

楊士奇

名遇以字行泰和人蚤以博學徵入翰林編  
纂書籍時共事者皆天下宿儒獨士奇為首

稱永樂初擢翰林編修歷春坊大學士洪熙宣  
德正統中累官至少師兵部尚書兼華蓋殿大  
學士預機密重務典冊制命悉委焉其文章德  
業重天下卒贈太師諡文貞有東里文集行于  
世

楊翥

字仲舉吳縣人自幼端謹凝重嘗師楊士奇受  
易學讀書至溫公與不妄語為誠之始即知守

此言為文章平實似其為人洪熙初用薦為翰  
林檢討累官禮部尚書致仕祿之終身卒年八  
十五有希顏  
集若干卷

楊溥

字弘濟石首人湖廣鄉試第一洪武庚辰進士  
授編修進洗馬洪熙初陞翰林學士累官禮部

尚書武英殿大學士卒贈特進  
光祿大夫左柱國太師諡文定

楊寧

字彥謚錢塘人父孟潛為徽州府教授因家焉寧宣德中進士歷官刑部主事郎中聽訟明決

後以功陞本部右侍郎後巡撫江西未幾召為禮部尚書以疾轉南京刑部卒

楊勉

江寧人風姿俊偉有應變才永樂初登進士第改庶吉士擢刑部主事有能聲累遷刑部侍郎

楊榮

字勉仁建安人洪武末登進士第永樂初授翰林編修即入閣典機務知制誥有果斷通敏之

才累遷少師工部尚書兼謹身殿大學士歷仕五朝特見寵任宅心仁惠薦用人才經筵輔導

裨益良多卒贈太師諡文敏所著有兩京類藁

楊鑑

洪武初率其屬張坤趙簡來朝授宣慰使賜敕獎諭俾其永堅臣節後屢隨大軍討平叛寇

卒贈懷遠將軍子昇襲職蒞政勤敏邊境綏寧永樂初請開學校薦士典教州民益崇習詩書

義禮

楊士英

洪武初知福州持身廉潔為政嚴明興禮讓厚風俗凡百建置俱有條理吏民無不感服

清譽大振鄰郡皆取則焉

楊儀

知鄧州學術正大以禮化民事爭訟者必諄諄勸諭使相感悔不得已然後用刑所一毫不苟

立規設法遠過常情追古之循吏在任未久而卒

楊節

洪武末徐州知州為政以厚風俗為務州大疫遣醫四出治療躬自督視又捐俸以給病之貧

者喜獎拔士類所薦士後皆知名

楊璟

合肥人儒家子讀書不事章句元季聚眾保鄉里率眾來歸授管軍萬戶以從征累功官至平

章政事封營陽侯卒  
追封芮國公諡武信

楊廣仁

上饒人讀書識大體永樂間為虞城知縣百廢具興民有火災值風烈弗禁廣仁以誠禱

得大雨以熄後大雨潦將傷稼廣仁齋沐禱之兩止遭喪民哭送者千數百人

楊善

大興縣人永樂初以守城功歷官鴻臚鳴贊累陞本寺卿禮部右侍郎扈從北征進陞右都御史尋使北敵有功陞左都御史天順改元封興濟伯兼禮部尚書善練習朝章歷官恭勤卒加

封興濟侯  
諡忠敏

楊元杲

字文素家世業儒少好學以文雅稱歲甲午太祖駐兵滁城適丁早暵欲致于神而文素

對以禱雨之由甚悉太祖以志士目之日見親幸明年護蹕渡江擢江南行省右司員外郎尋



陞中書省右司郎中未幾知應天府練達政體  
智慮周密時論推允明太祖益重之未幾以疾

卒于官

楊丹珉

龍溪人永樂間由國子生授奉新知縣先是  
邑有民道宿于鋪鋪長意其有重貲謀殺之

匿其屍其母訴于縣誣逮者衆丹珉訪得其人  
遂釋所誣者嘗歲早禱雨輒應蝗起不入其境  
後知溧水縣終泰  
州同知俱有顯績

楊慈

莆田人幼穎敏下筆數千言立就其文豐瞻典  
則直欲追蹤古作者永樂戊子鄉試第一辛卯

登進士改庶吉士慈體貌豐偉志氣軒昂以科  
第文辭為儒者末事抱負甚大未及用而卒

楊復

長興人刻苦問學為詩文尚奇古日抄唐韻數  
過得字義之精永樂初浙江鄉試第一登進士

拜監察御史累遷大理少  
卿決獄判案人服其能

楊信民

新昌人永樂中舉人授工科給事中仕至巡撫廣東都察院右僉都御史諡恭惠信民公

勤廉明最得民心守南海宣著恩威撫歸數萬人病卒廣人手香燈弔者幾萬又奏請立祠載

在祀典

楊洪

字宗道漢中人昌平侯起行伍有機智累立邊功善用奇劫敵營擣其虛敵人呼為楊王宣德

正統間受知密勿諡武襄從子四人能武強伯信彰武伯仁錦衣指揮使智開平指揮使

楊能

字文敬世開平指揮使已巳之變拔為將驍雄善戰有功陞督府同知景泰初總兵鎮宣府與

李秉共事天順元年陞都督仍充總兵鎮宣府援大同有功遂封武強伯食祿千石四年卒無

子父林乞以能弟倫  
嗣伯得世指揮使

楊信

字文實幼武勇正統初從洪征興州敵轉戰西涼亭白塔兒斬首功累陞指揮僉事十四年薦

陞都指揮僉事守柴溝堡戰闕馬五郎  
河有功景泰二年出宣府歷陞闕僉事充叅

將再守懷來會洪病移信協闕府五年充副  
總兵天順元年召還京陞闕移鎮延綏明年

敵博囉瑪勒噶入塞擊闕明年敵入寧夏塞  
信合武平伯陳友兵於闕邊營來擊敵遁去四

年封彰武伯食祿千石與世券五年移鎮大同  
成化二年瑪勒噶入河套出沒塞上召信至京

問方畧信言兵難遠度乞精  
騎疾走至榆林圖上大喜

楊景衡

瑞安人永樂中領鄉薦擢兵部主事陞本部  
郎中勤於職務進陞福建布政司左叅政致

仕卒有  
詩文

楊集

字浩然常熟人天順進士  
上書救鍾同出為知州

楊瑄

字廷獻豐城人景泰進士  
死釋成南丹成化元年

至浙江按察使卒  
直諫下獄坐

于官子源任欽天監五官監  
正色昌言首闕石身貫三木

幾死狴犴直聲  
聞天下而源以京房之術闕恭顯之義託

志闕忠慷慨有父之風名與天壤俱敝也

楊昇

陝西人成化鄉會試俱第一廷試一甲進士第  
二歷官戶部尚書執法不羣在翰林迥然自異

楊守陳

字維新鄞縣人景泰進士歷官南京吏部侍郎  
陳孝友方正與人交篤于信誼居常恂恂

身若不勝衣言若不出口至說理論事辨是非  
毅然不可屈博學多識文詞藻雅惜未竟用耳

諡文懿贈尚書子茂元  
刑部侍郎茂仁按察使

楊繼宗

字承芳陽城人天順丁丑進士授刑部主事歷都察院左僉都御史公剛方正善惡

惡出於天性與人不苟合人亦憚其莊嚴居官三十餘年民懷父母吏畏神明忠鯁諒直光明俊偉雖庸人孺子皆知其名當出知嘉興府止帶家僕小蒼頭人如旅寓壯年即獨居在任九年朝夕飯兩盂蔬兩盤不知兼味按察浙江任滿將行解舍器物一毫不以自隨篋中惟大明律一卷衣數襲而已

楊文卿

字質夫鄞人少穎敏不凡十三通舉子業弱冠入郡庠發解浙省第一舉會試第二初授

刑部主事時有尹清者夜飲殺人事發匿豪家令其妻賄同飲者張鐸承之文卿一訊知其誣

根捕尹清豪長者為請不聽竟坐清而釋左驗  
者陞山西提學僉事嚴條約公勸懲嘗曰考試  
糊名此以革提學之弊非革士子弊也不自為  
獎安用是瑣瑣者哉乃竟不糊名士無異議陞  
山東提學副使以積勞致疾而卒文鄉外圓而  
內方平居恂恂和易臨事即確然不可奪居官  
律已務為清約門無私謁室無長物其死也橐  
無餘貲惟圖書數篋而已所著有菰畦集筆談  
類藁苕溪集若干卷子叔通第戊辰進士歷南  
京兵刑吏禮四曹陞湖廣提學副使積官至山  
西左布政使乞納祿而歸廉儉不愧其父如從  
宦山東却賻金數千在山西歸餘金鉅萬于公  
人皆高之

楊守隨

字維貞守陳從弟成化丙戌進士授監察御  
史有權貴相招延者守隨獨不往闕犯法

獨按問如律又疏奏明諡法七事闕上之罪直

陳時政五事又劾奏奸僧妖術闕

濠九事

聲動朝野巡按江西風裁凜明按李孜省姦

暴之罪當謫戍而孜省走京都結納中貴得近

侍守隨自江西憂歸服滿進京時孜省已為太

常寺丞即劾奏孜省闕得罪不宜典郊廟銓

曹陞擬孜省闕府丞遭誣黜守南

京操闕

政司叅政稍遷按察使進南

尚書闕

諸豎罪狀而斥劉瑾尤甚瑾銜之

入闕

削奪官職瑾伏誅復原職致仕年八

十五而卒贈太子少師諡康簡

楊守陟

字繼立守陳弟成化乙酉鄉試第一戊戌試

禮部第四廷試一甲第二授編修進南京侍

讀左春坊左諭德翰林侍讀學士南京吏部右侍郎轉左侍郎年七十乞骸骨進尚書致仕贈太子少保所著有集程朱議論碧川文抄困學寡聞錄詩文各若干卷

楊守隅

字惟德鄞人守陳從弟成化進士授工部主事改兵部車駕司時南和伯方壽祥恃寵不

法守隅論置之罪出按陝西馬政剗剔宿蠹百度以貞陞江西左叅政先是寧藩闕米例石銀一兩寢逾其半守隅啟之曰朝廷分封藩室冀以庇民今江右災傷所宜軫念撫巡官欲裁減如例然不即請者務俾惠出睿思而天下以爲賢也俟其請而曲從之恩不將歸之人乎寧藩允之時逆瑾弄權流毒搢紳有誣人不法事罪應籍沒守隅獨廉其誣瑾怒先後罰米四百石遂奪職以歸瑾誅詔起原職陞廣西布政使懇乞骸骨守隅端謹淳厚性溫而勵事有不可則



義形於色比歸日與諸伯仲觴詠  
自適未嘗一跡城府人尤高之

楊茂仁

字志仁守陳子成化進士授刑部主事抗法  
不阿時巨璫汪直誣主事楊仕偉受賄徵其

賊部僚莫敢近乃獨助之輸且署名其封直驚  
而罷其徵歷山東副使上疏論太監李興不法

被逮謫長沙府同知復薦起為知府歷刑部右  
侍郎生平倜儻有膽畧見義當為毅然不可奪

為詩文飄逸俊麗而尤工書法徧布高門有麟  
洲存藁若干卷弟茂義字志道丁未進士歷官

四川按察使

楊光溥

沂水人進士任刑部主事員外郎中成化間  
元勲魏國公兄弟讐許累年不竟上命理之

溥至昭宣德意振舉國章累年之訟一旦俱釋  
上嘉獎賜以寶楮陞山西按察司副使致仕所

居建亭曰素封鑿池引水吟咏其間著剪燈瑣話沂川文集素封亭稿梅花集詠傳于世

楊廷

和字介夫新都人年十二中鄉試成化進士歷官少師吏部尚書大學士議大禮削籍隆慶

改元贈太保諡文忠子慎正德辛未一甲進士第一惇恂俱進士弟廷儀兵部侍郎父春成化進士提學僉事公明達有謀敢于任事康陵巡幸不草敕又擒滅元寇中興一詔朝野肅清尊號之議首尾數十疏揭家族以博中興古社稷臣也豈可易議哉

楊昇

字起同吳縣人弘治間以進士為庶吉士除給事慨以論議弼違為任會上方詔海內直言無

隱昇隨事有所規益奉使遠碣素羸以勞悴得疾值奔母喪卒婦孕且未產已而得子伊志能

續父業累官

刑部侍郎

楊一清

字應寧丹徒人八歲舉神童成化進士歷官少師吏部尚書大學士贈太保諡文襄學博

才雄善調停應變濟務尤曉暢邊事羽檄旁午一夕十疏口占指授悉中機宜又好汲引人

或訾已顧揚薦之一時  
俊達名流亦爭趨其門

楊志學

字遜夫長沙人繫籍彭城衛弘治癸丑進士授戶部主事轉員外郎郎中出補知府陞都

御史巡大同值邊卒桀傲屢戕主師闕疑弗靖志學感以至誠士如挾纊召入為戶部侍郎陟尚書扈從駕大狩開

楊廉

字方震豐城人成化進士歷官南京禮部尚書諡文恪廉好學能文負時名吏事精敏性介耿

耿恥回互學問可擬古醇儒事業可擬古名臣德性可擬古君子求之當世鮮有其儔

楊子器

字名父慈谿人成化進士授崑山縣知縣陞吏部主事言事下詔獄尋釋去為湖廣叅議

仕至河南布政使卒請諡不報子器天性剛介沈默重厚風儀峻整而中實和易持已克堅利

害不計位重方

岳無異寒素

楊果

字實夫興化人弘治進士歷官南京戶部侍郎果理學淵懿制行端良推誠任朴舉動恂恂足

以消人富貴  
浮薄之態

楊循吉

字元敬長洲人少與趙寬名皆擅多士已而寬先登第循吉次起家主事禮部游諸王公

間益有名然尚氣好競性執而污漸不偕於時乃乞歸少年無復之惟玩文史自娛所撰著亦時雜聞諧獨購書甚富既性所嗜聞某有所異本即夙夜求之所著遠金小史最善曰金山曰

廬陽二志嘗苦使子上  
書請復建文年不報

楊典

字景瑞揭陽人正德戊辰進士授御史性剛方  
慷慨有大節師事白沙與王陽明友善講究正

學嘗立家訓族規鄉約以教宗族鄉黨官南臺  
彈劾不避權貴按南畿激揚有聲以養病疏歸

卒于家

楊守謙

字允亨志學之子嘉靖中進士歷兵部郎中  
擢督學副使累遷都御史督保定軍務會北

敵南牧卒逼都城中外震恐守謙不候調發擁  
兵馳至城下列陣橫絕敵營敵逡巡不敢四掠

京都遂定上大悅即日晉兵部右侍郎責戰益  
急守謙策敵衆十數萬紛散四塞我兵殊寡營

兵不敢出援未至宜持之以凝其心稍俟兵合  
間出奇擊之策未及聞上怒以為逗遛詔獄伏

辜時論惜之守謙以學行稱聞變赴敵蹈死不悔其朴忠足稱云隆慶初贈兵部尚書諡忠愍

楊慎

字用脩文忠長子正德進士第一授修撰以議大禮謫戍雲南卒隆慶元年贈太常少卿慎以

卓絕之才弘博之學登高第謫滇南端居軍省發憤著書神瑩理解垂文表義竟坎壈終其身

哉哀

楊爵

字伯修富平人嘉靖進士歷御史直言下獄釋為民隆慶元年贈大理丞爵天性孝友真誠直

諒屢進讜言輒批鱗逆狴犴首尾八年曾不少挫

楊上林

字子漸山陽人嘉靖進士授長興知縣寬厚通達文學優長官至吏科都給事中

楊最

字殿之射洪人嘉靖初知黃州府清介嚴明忠誠直諫人不敢干以私歷官不避權勢臨民平

易得為民父母之體薦隆太僕寺卿中外倚以為重後建言四廟事忤旨廷杖死之天下痛悼

隆慶改元贈副都御史諡忠節

楊宜

字伯時衡水人嘉靖癸未進士授御史督南直隸學校考鑑精當一時名士多出其門歷總督

軍務兵部右侍郎都察院右副都御史

楊博

字惟約蒲州人嘉靖己丑進士歷官太傳吏部尚書諡襄敏博抱經濟之宏才屢當邊防功勲

丕著居銓曹甄別精當性慷慨端重不肯依阿嘉靖間稱端方大臣子俊民壬戌進士歷都御

史俊彥武舉第一歷錦衣指揮俊士萬歷甲戌進士

楊開

字實卿四川遂寧人嘉靖己丑進士第三授閩

楊九澤

字子德華陰人嘉靖戊戌進士任御史巡按浙江有風裁稱名御史

楊挺高

字叔謙金鄉人嘉靖辛丑進士任工部主事擢蕪湖關毫不入私家歷河南左布政使清

介自持與人無交接雖性氣少粗然亦確然有守之士也

楊載鳴

字虛卿泰和人嘉靖戊戌進士任文選郎中甄別得人歷左叅政

楊繼盛

字仲芳容縣人嘉靖進士授南京吏部主事陞兵部職方司員外郎諫馬市逮獄降陝西

狄道縣典史歷陞兵部車駕司員外郎以上言輔相嚴嵩罪死隆慶元年贈太常少卿諡忠愍

敕祠旌忠

楊允繩

字翼少華亭人嘉靖甲辰進士任刑科給事中巡視光祿寺丞誣奏謾上論死隆慶改元



贈光祿  
少卿

楊道亨

字豫甫華亭人嘉靖丙辰進士歷雲南按察副使守真定時撫臣以他故誣罷尋為監司

奏覈非罪復故官方命下而卒道亨風骨聳秀而溫然謙卑長者性孝友好施與蓋惇實之君

也子

揚

天水羽音揚雄自序手易別一族周宣王子尚父封為揚侯

漢

揚雄

字子雲成都人好學博極羣書口吃不能劇談而好沈思成帝時為郎給事黃門嘗奏甘泉河

東校獵長楊四賦又著法言及太玄經等書性嗜酒劉奔載酒問奇字嘗校書天祿閣王莽殺奔詞及雄乃投閣幾死莽釋之頌莽功德比隆周召鑑曰莽大夫揚雄卒明其罪也

揚王休

字子美調台州黃岩尉闕斷豪民州閭稱賀號為闕

少府

唐

揚之蟬

從韓愈學公有闕揚之蟬詩

宋揚避舉

瓊州人李守奉使至瓊道遇之至其家見諸父年百二十余祖宋鄉年百九十餘又見雞

窠小兒出頭下視宋鄉曰此九代祖也不語不食不知其年

揚賓

浙江處州人永樂九年舉人

揚光休

東明人隆慶庚午舉人

萬姓統譜卷四十一